



物へ 16  
2752  
40

40



阿 16  
流 2752  
卷 40

書山閣

龔州山人四部稿卷之一百七十一

吳郡王世貞元美著

說部

宛委餘編十六

酒創自杜康或云儀狄王無功祠杜康而以大樂令史焦革配蓋起自康也

唐名酒有瓊花露薔薇露玉窟春不凍春燒春麴米春金陵春竹葉春洞庭春蓬萊春海嶽春錦波春浮王春風光春郟筒若下新豐蘭陵宜城博羅湓水靈溪象洞曲阿又乾和五穀宜城九醞河東桑落西涼

昭和十六年十一月十九日 購求

葡萄、蒼梧竹葉、西市睦郎官清。

宋時名酒，又有玉井秋香、薌林秋露。向恭伯黃嬌段子新

萼綠香。范才瓮中雲。易毅清無底，金盤露。軟腴者桃花

雨。芳列銀光。胡長雲露。范至桂子香，又名冷冽香。楊萬

里

酒有蘭生、漢武百味酒也。玉薤，隋煬帝得法於胡人者也。醽醁，翠濤，魏侍中徵所造也。十年而味益美。

石能醒酒，則李衛公平泉莊物也。草能醒酒，則開元

興慶池南物也。

麴酒母也。一曰酒教也。楊雄方言：麴音器自關而西，秦

函之間曰麴。麴音牟大麥麴也。晉之舊都呼麴為麴。麴音切

齊右河濟曰麴。麴音小小麥麴也。北燕曰麴。麴音又又麴音甲

細麥麴也。麴音蒙有衣麴也。今天下通呼麴，不聞有此

數名。

外國名酒：西域有葡萄酒，烏孫有青田核酒，烏丸有

東牆酒，訶陵有柳花椰子酒，波斯拂菻有肉汁酒，比

虜馬漣酒，南蠻檳榔酒，扶南安石榴酒，又甘蔗土成

根酒，辰溪釣藤酒，赤土國甘蔗酒，真臘有朋茅肉酒，

波斯有三勒漿酒，南荒有女酒，女音數歲釀糟，置壺於

水中，候女嫁，決水取之，味甚美，真臘風土記：美人酒

齊州山人高

卷之三

於美人口中含而造之一宿而成尤異今四夷酒以  
暹羅爲第一

南宋時鄴酒最有名卽魏太武得便大進者出衡州  
衡陽縣以鄴湖水造成味極美又其時烏程酒亦美  
而余兩宦其地酒皆濁不可言

名酒最古者關中之棗落水經註蒲坂劉白墮所造  
成於棗落之候反語謂之索郎後史補云河中棗落  
坊水所造也魏書汝南王元悅以棗落酒餉元義極  
其媚諛庾信索酒詩有蒲城棗落酒杜甫亦云坐開  
棗落酒至張謂有不醉郎中棗落酒教人無奈別離

何余記舊時曾預一權相席出棗落酒飲之且曰張  
謂詩云云唐已有之乎余漫應曰杜詩有之水經註  
亦有之其人色變而曰吾不知也同坐者指余手遂  
不敢對

有醉十日而始醒者中山酒也有醉十日而始醒者  
枸樓國僊漿酒也有行千里而始醉者桂陽程鄉酒  
也

葡萄酒亦須麴蘖而成有人久積葡萄酒忘取遂自成  
酒芳甘酷烈楊用脩以此爲真葡萄酒餘皆妄也若  
爾西域富人葡萄酒至萬石豈皆待其自液乎又文

章草可以成酒亦不得遂可言酒草也

猶以薄荷爲酒雞以蜈蚣爲酒鳩以桑椹爲酒虎以  
狗爲酒蛇以茱萸爲酒謂食之而醉也南中人以檳  
榔爲茶亦當以檳榔爲酒蓋宋人有云檳榔四德醉  
能使之醒醒能使之醉饑能使之飽飽能使之饑  
古傳註茶樹初採爲茶老則爲茗今人俱稱新茗當  
是錯用事也王肅在宋嗜茗後走魏嗜酪曰茗不中  
與酪作奴比人因呼茗酪奴

建州之北苑先春龍焙洪州之西山白露鶴類揚州  
之鳩院東川之獸目綿州之松嶺福州之栢巖  
之露芽南康之雲居婺州之舉岩碧乳宣城之陽坡  
橫紋饒池之僊芝福合祿合蓮合慶合蜀州之雀舌  
烏嘴片甲蟬翼潭州之獨行靈筭彭州之僊岷石蒼  
臨江之玉津袁州之金片綠英龍安之騎火涪州之  
賓化建安之青鳳髓岳州之黃翎毛建安之石巖曰  
岳陽之金膏冷此唐宋時產茶地及名也

唐茶不重建以建未有奇產也至南唐初造研膏繼  
造蠟面既又佳者號曰京挺宋初置龍鳳模號石乳  
又有的乳白乳而蠟面始下矣丁晉公進龍鳳團至  
蔡君謨又進小龍團神宗時複製蜜雲龍

即東坡供  
佳茗者

哲宗改為瑞雲翔龍則益精而小龍團下矣徽宗品  
茶以白茶第一又製三色細芽而瑞雲翔龍下矣宣  
和庚子漕臣鄭可聞始創為銀絲冰芽蓋將已棟熟  
芽再剔去祇取其心一縷用清泉漬之光瑩如銀絲  
方寸新勝小龍蜿蜒其上號龍團勝雪去龍腦諸香  
遂為諸茶之冠今建茶碾造雖精不去龍腦以為奩  
閣中味亦不用入淪而茶品獨貴者兩丘其次天池  
又其次陽羨羨之佳者岷而龍井六安之類皆下矣  
○蜀蒙山頂茶多不能數斤極重於唐以為僊品今  
之蒙茶乃青州蒙陰山產石上若地衣然味苦而性

涼亦不難得

南劍有蒙頂石蒼湖州有碩渚紫筍常州陽羨同峽  
州有碧澗明月福州有方山生菜洪州有西山白露  
壽州有霍山黃芽

段成式所載食品今摘其尤者猩猩脣獲多鱸翠楊腴  
麋臄桂蠹石鰕能蒸羔鮓蘇膏荊飴竿炙蠟雁餽餉  
餵餽粗糗炙酪蛆子蟹螯葫精細飄鰓梨酢醬醬紫  
鷓述蕩擊旄象約河隈鮓鞏洛鱒洞庭鮓灌水鮓珠  
翠玳菜黃鮓蕨野梁會稽菰不周稻玄山禾楊山稔  
南海秬壽木華玄木葉夢澤芹具區菁楊樸薑招搖

桂越輅茵長澤卯三危靈崑崙并黃頤臙醒酒鯖物

見南史新鱠子蒲葉菘竹根粟鮎子鮓麻胡麥綠施

筭千里萼萬丈鱠蟲足鱠萬鑿鱣張掖九蒸豉大狷

炙蜀檮炙路時腊攪天腊凡當餅大扁錫馬鞍餲白

龍舍黃龍舍阿韓特餅櫻桃餠蝎餅又有籠上牢丸

湯中牢丸即子瞻誤以又稱當時蕭家餛飩可以瀹

茗庾家粽子白瑩如玉韓約家櫻桃餠饌色不變曲

良翰能為驢駿馳峰炙及衣冠家名食有涼胡突鱠

鱧魚臆連蒸麝麝皮索餅

御廚進饌用九釘牙盤食按隋煬紀諸郡進食即此

牙盤也

渾羊設最為珍食置鴛於羊中內實瘦肉五味全熟

之熱洛河射鹿血煎鴈食之同昌公主傳有消靈炙紅

虬脯郭進蓮花餅餠宋龜樓子膾仇士良赤明香脯

王真公主逍遙炙素食草巨源食單有單籠金乳酥餅

但用獨隔通曼陀樣夾餅公廳巨勝又寒具貴妃紅

籠欲氣隔加味紅酥婆羅門輕高麵籠御黃王母飯餛飩面裝雜味金

鈴炙酥攪七返膏七菴作回花光明蝦炙生蝦則

通花腰牛腸加用羊生進二十四氣餛飩花形餠二

十四生進鴨花湯餅兩下場見風消餅油浴同心生結

世經堂刻

脯生結後冷塔兒羹蛤唐安飲花金銀夾花平截

別蟹細雙碎方破餅花餅火燄蓋口飽上言花水晶

龍鳳膏棗木蒸方破玉露團雕漢宮棋子花麵錢甲長

生粥進天花餠饌九煉賜緋含香糉子蜜甜雪蜜大例

麵八方寒食餅用木白龍臙肉素蒸音聲部蓬萊倦

人凡七金粟平飽木魚鳳凰胎魚羊皮花絲尺及遂

此醬體羊乳釀魚進完丁子香淋膾醋蔥醋雞吳興

連帶鮓缸不發西江料有骨紅羊杖蹄上裁一昇平

炙怡羊鹿吉八僊盤別雪嬰兒治蛙豆僊人鬻

乳淪雞小天酥鹿參分裝蒸熊存卵羹純清涼臙

碎封狸肉筋頭春炙子煖花寒釀驢蒸爛水鍊犢炙

盡火五生盤鹿並細治格食羊肉腸各別過門香薄

羣物入紅羅血湯浴繡丸肉糜治纏花雲夢肉香

徧地錦裝外脂付蕃體間縷寶相肝升盤七

謝諷食經中畧節五十三種北齊武成王生羊膾細

供沒忽羊羹急成小餡飛鸞膾咄嗟膾剔縷鷄爽酒

十樣卷生龍鬚炙千金碎香餅子花折鴛糕脩寶卷

交加鴨腊君子飢越國公碎金飯雲頭對爐餅剪雲

斫魚羹虞公斷醒鮓魚羊僊料紫龍糕十二香點臙

春香泛湯滑餅象牙鈿湯餅浮萍麵金裝韭黃艾炙



白消熊帖乳花面英加料鹽花魚目專門膾拖刀羊

皮雅膾折筋羹香翠鷄羹朱衣飯餃露醬山子羊羔

千日醬加乳腐金丸玉菜臙鱉添酥冷白寒具天孫

膾暗裝籠味高細浮動羊乾坤夾餅乾炙滿天星含

漿餅撮高巧裝壇樣餅揚花泛湯糝餅天真羊膾魚

膾末加王特烙羊成羹公藏蟹含春侯二名如新治

月華飯無憂腊連珠起肉

食品又有隋煬鏤金龍鳳蟹唐清風飯用水晶飯龍睛粉龍腦末

牛酪漿調事畢下同阿餅和肉與麵搜蕭家麥穗生

寒消粉生即耐夾辣驕羊大碗糕春玉尖麵以消熊機

饅頭玉筋羹又乳特鐵烙其乳而

金陵有七妙羹可照面餛飩湯可注硯餅可映字飯

可打擦臺濕麵可穿結帶醋可作勸盞寒具嚼著驚

動十里人

禮所謂八珍者淳熬○淳母○炮豚擣珎○漬○熬

○糝○肝膾○炮胙蓋八法也其品則牛羊麋鹿麇

豕狗皆所以養老者也后世則云龍肝鳳髓兔胎鯉

尾鷄炙狸唇熊掌酥酪蟬羊脂迤北八珍醍醐麇吭

野馳蹄鹿唇馳乳麋天鵝炙紫玉漿玄玉漿即馬彌

宋高宗幸清河王張俊第供進御筵脯腊一行線肉

條子皂角錠子蝦腊雲夢把兒肉腊孺房旋鮓金山  
鹹豉酒腊肉瓜蘆垂手八盤子棟蜂兒下酒十五  
盞花炊鶴子荔枝白腰子妳房簽三脆羹羊舌簽萌  
牙肚肱肫掌簽鶴子羹肚肱膾鴛鴦燥肚沙炙膾炒  
沙炙襯湯鱔炙炒蟹鴛肫掌湯蘆螃蟹釀棖孺房玉  
藥羹鮮蝦蹄子膾南炒鱔洗手蟹鱔炙假蛤蜊五珍  
膾螃蟹清羹鶴子水晶膾猪脂假江蛭蝦棖膾蝦魚  
湯蘆水母膾二色鹽兒羹蛤蜊生血粉羹插食炒白  
腰子炙肚肱炙鶴子脯潤雞潤兔炙炊餅不多炊餅  
彎骨厨勸酒十味江蛭燥肚江蛭生蝸蚌簽薑醋香

螺香螺燥肚薑酸假公權煨牡蠣牡蠣燥肚蟬炬燥  
肚對食十盞二十分蓮花鴨簽鹽兒羹三珍膾南炒  
鱔水母膾鶴子羹鱔魚膾三脆羹洗手蟹燥肚肱對  
展每分時果五盤晚食五十分名件二色鹽兒小頭  
羹飯肚子羹笑靨兒脯腊雞脯鴨  
食經食次二書有脆膾法肥見謝眺傳又有滷魚法  
羹臙法胡羹法肺臙法羊盤腸雌觔法羌煮法筍箬  
羹法鮑臙湯法藥次法損腎法蒸魚法胡炮法懸熟  
法裹蒸法臙暗法蜜純煎法勒鴨消法酸肱法捧炙  
法膾炙法牛肱炙法擣炙法銜炙法啖炙法餅炙法

食經  
卷之二十一  
世經堂文

範炙法脾肉法苞臠法餅有酵法髓法粲法膏環宋

玉賦中 粗妝也 餽餼起麩也炒塲法糗糲法煮糲法以其名

小異故記之

汴中節食因記其名元陽鹽元油畫明珠上元六上

菜人涅槃堯二月手裏行厨上冬凌寒指天餃餛月

八如意圓重五綠荷包子伏辣雞二羅睺羅飯七

玩月羹中孟蘭餅餠元米錦重宜盤重萱草麩日

法王科斗臘

何太宰曾有安平公食單韋僕射巨源有燒尾宴食

單段承相文昌有食經五十卷號鄒平公食憲章庖

榜曰煉珍堂在途曰行珍館虞悰有食方謝諷有食

經各十卷孟蜀食典一百卷

何曾食日萬錢子劭日二萬錢任愷一食萬錢和嶠

日三萬錢高陽王元雍一食數萬錢杜岐公悰日五

食一食萬錢李衛公德裕至一杯羹二萬錢韋侍郎

陟至厨中棄遺直萬錢元承相載用食物碗器至三

千事

蔡太師京厨婢數百人庖子亦十五人段承相有老

婢名膳祖四十年閱百婢僅九婢可嗣法孫節度承

佑一宴殺物命千數蔡京每殺鶴子輒千餘承佑每

謂人今日富有小四海矣。謂南蠮螋北紅羊東蝦魚西粟皆備也。尸子曰：禁紂必南海之薑北海之鹽西海之菁東海之鯨。

何太宰每宴不食尚方所食。晉武帝令就其家取之。帝幸王武子第，侍婢數百人各持琉璃器供膳，食蒸豚有異於常，問乃以人乳飲之。齊武帝幸芳林園，就虞棕求味，獻糲及雜肴數十輿，大官不及也。上欲求飲食，方不得，後體不快，惛僅獻醒酒鯖鮓一方而已。當時君臣乃爾，良可咲也。

食之多者，史稱廉頗七十餘一飯斗米，秤肉注云秤十斤也。苻堅拂蓋郎夏默等三人每食飯一石，肉三十斤，長至丈九尺。理或勝之，宋明帝噉白肉至二百片，蜜漬鱖鯪一頓數金鉢。蕭穎胄噉白肉鱸至二斗，馬希聲日食雞五十，然皆江左人也。

波斯王每食酪肉麩蜜至二石餘，肥大不能行，佛為說法勸解，乃減一石。南燕慕容德時逢陵長王鸞長九尺，腰帶十圍，貫甲跨馬，不由蹬，德見而奇之，賜食立盡一斛。馬希聲日食五十雞，此舖餽之極也。范汪噉青梅一斛都盡，更自難。

齊王好食雞，跖日進雞七十。臨江王妃江無畏好食

約以多所隨中子白也中一為殘睡起任人進  
然尚世系標帥白早下注者

鯪魚頭日進鯽魚三百可為的對

宋史載張司空齊賢罷相知安陸賓客會廚吏密置  
一金漆大桶廳側窺公所飲食如其物投桶中至暮  
漲溢桶外公一食肥猪肉輒十餘斤風藥黑神丸常  
人服不過彈許公常以五兩為大劑夾以胡餅頓食  
之趙丞相雄上殿奏事上從容問曰聞卿善啖欲作  
小點心相請如何趙起謝遂命內侍捧史忠惠所進  
玉海容三升者賜之凡七賜皆醞繼以金柈捧籠炊  
百枚食其半上曰卿可盡之遂食至盡上為之一笑  
後南帥日欲求其偶而不得有以兵馬監押薦者召  
對飲各盡酒三斗豬羊肉各五斤蒸糊五十事趙已  
醉飽摩腹而其人尚醒因更進酒斗許將別其人腹  
間忽砉然有聲蓋恒時束革帶限之漲而斷也張趙  
二公微時跡弛事極相類

師曠荀勗符朗皇甫謐妙於味者也彭鏗易牙毛德  
祖虞棕曲良翰彭湘潔余媚娘工於味者也魏文齊  
武隋煬吳質何曾何劭和嶠王愷王濟石崇劉穆之  
徐湛之何晏阮佃夫朱异羊侃元雍元琛崔贍爾朱  
文略韋安石韋陟裴冕元載段文昌李德裕趙雄武  
孫承佑陶穀蔡京張俊張鎡侈於味者也廉頗樊噲

王鸞典韋李勳勇於味者也宋明山濤劉道真江淹  
蕭穎胄鹿宜孫馬郁杜悰廖易之張齊賢張慙趙雄  
洪於味者也張易之張昌宗韓縝酷於味者也羅友  
陳仲潛猥於味者也鄭子公御斟司馬子期小人於  
味者也

宋南康公劉邕嗜瘡痂比於鮓魚唐劔南節度使鮮  
于叔明嗜臭虫每採拾得三五升浮于微熱水洩其  
氣以酥及五味熬卷餅食之云天下佳味知福建院  
權長孺嗜人爪甲見之輒流涎與南中犢結蜜啣不  
乃羨何以異哉

山巨源飲量至八斗晉武帝每令私益之盡量而止  
醉後餽餼折筋不休則不特能飲亦洪於食者也劉  
伯倫祝詞云一飲一石五斗解醒嵇阮可以例推矣  
周伯仁渡江雖日醉而恒云無對後有舊對訪之欣  
然命酒各盡一石大醉其人酒從臍出滂沱牀下而  
死滿寵盧植馬融傅玄劉京魏舒劉藻柳謩馮跋之  
飲皆可至石餘鄭康成鄧元起皆一斛不亂于定國  
飲酒數石不醉為廷尉十八年冬月請讞益精明裴  
弘泰自杯勺以至觥船重二百餘兩可為酒人之冠  
一云是

嵇阮劉畢始為裸袒之飲而已渡江以後周伯仁醉  
欲通紀瞻婢露其醜穢為憲司所劾按五行志晉惠  
帝元康中貴游子弟相與為散髮之飲對弄婢妾逆  
之者傷好非之者負譏則不止一伯仁而已也占以  
為貌不恭之災

劉潛石曼卿輩尤為豪飲每飲必云幾日一日興方  
濃而酒垂竭傍有醋三斗許併飲之酒醋俱盡或置  
身木杪而飲曰巢飲以席自束出首而飲之已復縮  
入曰鼈飲所謂牛飲者不足道也歐陽永叔梅聖俞  
俱量可盡百杯每遇潛曼卿輒為所困

隋仁壽間籌禪師入內造五色飲以扶芳葉為青飲  
拔楔根為赤飲酪漿為白飲烏梅漿為玄飲江筍為  
黃飲又作五香飲第一沉香飲次檀香飲次蘭澤香  
飲次雞舌香飲次甘松香飲大業志扶芳出吳郡其  
樹蔓生纏繞他樹葉圓而厚凌冬不凋夏月取其飲  
微火炙使香煑飲碧深色香甚美不渴今不定為何  
樹亦不解作飲

琴始五絃舜所彈也堯善之加二絃以合君臣之恩  
蔡邕益之為九絃彈一弦者馬明生所遇神女也無  
絃者陶元亮所自寓也

斲琴名手自伯喈外隋則趙取利唐則雷霄雷盛雷  
珏雷文雷迅郭亮沈鐔張鉞金儒僧三慧宋則蔡睿  
朱仁霽衛忠正趙仁濟馬希仁馬希先金淵金公路  
陳亨道馬大夫梅四龔老林杲元則嚴古清施溪雲  
施谷雲施牧州

古琴名則水清春雷玉振黃鵠秋嘯鳴玉瓊響秋籟  
懷古南薰大雅松雪浮磬奔雷存古寒玉百衲響泉

冠古韻磬涉深天球趙子昂以大雅名堂松雪名齋當是二琴為所有耳又混

沌林玲瓏玉萬壑松雪夜冰玉澗鳴泉石上清泉秋  
塘寒玉九霄環珮已上俱見輟耕錄又吳越有洗几

清絕二琴析氏百衲琴見洞天清祿集及輟耕錄

趙希鵠云古琴有陰陽二材桐木面陽日照者為陽  
不面日為陰以新桐木驗之陽必浮陰必沈陽材琴  
旦濁而暮清晴濁而雨清陰材琴旦清而暮濁晴清  
而雨濁

古琴以斷紋為證琴不歷五百歲不斷愈久則斷愈  
多斷有數等有蛇腹斷有面底俱斷有梅花斷偽者  
無劔鋒亦不難識也

博物志云堯造圍碁丹朱善之彼王中郎之坐隱支  
道人之手談雅語也尹文子之喻音劉中壘之兵法



正語也。杜夫子之禪聖教，班蘭臺之象地，則效天文通王道，夸語也。蓋孔子之謂賢賢於飽食終日者而已。所謂小道可觀，致遠恐泥者也。乃若奕之有品，啟自劉宋，盛於秦始。至宰相論評人主制決，噫亦盛矣。吾請得為時養略言之。孟氏有言，奕秋通國之善奕者也。又杜夫子在西京為天下第一，而吳錄稱嚴子卿碁與皇象書，趙達數為吳中八絕。又抱朴子云，嚴子卿馬綏明聖於碁者也。然則四人者，其最上品乎？當漢末有馮翊山子道王九真、郭豐、善奕、曹太祖皆與爭能。孟德既未琅然，諸君復遇敵手，殆難乎上者矣。晉氏之季，吾宗敬豫與濟陽江徽俱為中興第一。竊謂士大夫之第一，猶之王僧虔之稱齊高帝書云：爾而是時北燕羅騰、字叔龍者，究盡其妙，獨步當時。俄而北平樂抄字少携者出，而與齊要之，其猶在敬豫與徽上哉。宋文既好此伎，而羊玄保以賭得宣城郡士林豔之，然其品第三，不知誰當為第一者。吳郡褚胤七歲入高品，及長冠絕當時，坐從父崇期，反累死，何尚之特以絕藝為請，不得胤不死，意者其胤乎？湘東素亦偏嗜，等於鮪鯁，然為品甚拙，而受識甚闇。是時用建安王休仁為圍碁，大中正品彭城王抗第

一會稽褚思莊夏赤松次之抗神速思莊巧遲抗取  
勢赤松闔子此所以小異也然是時魏有范甯兒借  
使者李彪來一戰而勝王抗甯兒亦第一品也梁武  
帝素工奕奕在能品用湘東例命到溉朱异司其凡  
而沈約為之序大抵宋之徐羨之羊玄保何尚之齊  
之蕭曄子良柳世隆暉及溉异輩亦僅士大夫錚錚  
者耳唐之奕以開元王積薪為第一然所謂孤山老  
媪婦姑者當遠据其上又有待詔滑能品最高至為  
上帝所取顧師言者不甚著記謂其在大中初行子  
至三十三看勝神頭國王一日日本國王第所謂鎮

神頭勢今尚在然則能與思言亦第一品也宋興繼  
積薪而品高者為江右劉仲甫積薪之時有李憨角  
仲甫時有王憨子角然李憨見輕而王憨見忌最後  
三衢祝不疑高仲甫一道許河東晉士明高仲甫兩  
道許而劉氏之袒廢矣明興江陰相子先稱國手  
斬人樓得達勝之又有一游僧亦勝之正德中宰揆  
之地如李文正東陽楊文襄一清喬莊簡宇諸公皆  
好奕而四明范洪重洪之後永嘉鮑一中重鮑生晚  
不及與洪角而格勝之文襄呼鮑小友為延譽江淮  
間而其郡李冲晚出遂與鮑雁行周源又晚出於李

徐希聖又晚出於周惜早死皆駸駸角鮑者也此所謂永嘉派也婺汪曙不及鮑者一子程汝亮晚出勝之而亦蚤死此所謂徽派也顏倫善決局不差一道足跡徧天下無能當者而李釜時養晚出遂與之角倫護名不復肯應乃游吳中此所謂京師派也今後進中閩有陳生蔡生越有岑生揚有方生鼎立而蔡與岑尤張甚皆未可量也始永嘉守脩郡志志伎藝曰鮑一中奕品第一李冲次之冲意不樂遂罷不復志而最後冲且老矣與時養戰大敗數避匿程汝亮之遇時養一再北遂為勁敵云王子曰余少時觀鮑生奕不能悉其妙第見其批亢擣虛無衡陣耳後所觀顏倫子明最後乃觀李與程勁為忘寢食者數矣譬之用兵鮑如淮陰侯有搏沙之巧李則武安君橫壓卵之威顏則孫吳挾必勝之策程則諸葛脩不破之法雖奇正時出攻守異執要之皆稱善師者矣余嘗戲李以李廣程以程不識程猶未肯色受也然李時時為余言未嘗不遜顏以為有國士風余因作奕旨手書一通貽時養謂與顏鮑而程四子者不知於古何如以當明第一品無愧也

余既與李時養論奕歸而臆數其人與品手書貽之

乃其事有奇而未可據者因再疏一通為奕問侯後  
 博考傳記毋妨再續也問段柯古所載鳩摩羅什為  
 人奕起子空處皆作龍鳳形信乎曰其人奕品下至  
 八九道或可誘而成耳不然什公亦姑幻障人耳目  
 無是理也問顧思言三十三着而勝神頭王信乎曰  
 一說日本王也奕至三十三着而決勝所謂通神者  
 也其猶在坐照上乎師言於品不登第一而攷之史  
 古未有神頭國而日本王由來不入朝將無好事者  
 為此勢以附會其說乎未可必也問孤山老姥之說  
 信乎曰或有之然非積薪之自為神也好事者假神  
 而抑積薪之語也所謂指示以攻守劫殺之方甚略  
 曰是子可教以常勢耳其抑積薪可見也問一行於  
 張燕公宅見積薪奕遂與之為敵且曰念貧道四句  
 乘除語人人盡為國手信乎曰有之一行神於數者  
 也神於數則可以觸類其曰四語乘除人人國手非  
 也問陸子靜一悟河圖數而勝國手信乎曰其徒假  
 一行事而神其師之語也子靜奕品甚下今不觀其  
 遺文若葛藤而胡以能悟也問范甯兒之勝王抗信  
 乎曰有之抗重而甯微也甯兒以有心待抗而抗以  
 無心待甯兒猶之乎司馬仲達之於孔明也且此一

局耳未可定也問滑能之事信乎曰能暴死耳奕者之神其說也是天人者勝能而何又假能也問王質爛柯之說信乎曰不然也堯至今三千六百年耳度不能十局也則為神仙者曷壽焉問劉仲甫之高王積薪兩道也祝不疑之高仲甫一道也晉士明之高仲甫兩道也信乎曰果爾則積薪而上有四道矣仲甫之高積薪也其持論也自為高者也不疑士明之高仲甫也乘瑕者也二子用狀而仲甫用衰也問王粲陸瓊之覆局信乎高品哉曰惟仲甫與顏倫亦能之此善記者也非與於品者也問孟堅之有旨也應璩之有勢也馬融曹攄王粲劉恢蔡洪梁宣之有賦也李尤之有銘也高品哉曰唯永嘉林生有集焉而品第五也此工於文者也非與於品者也問吾子何如曰猶之乎數子而已矣

奔州山人四部稿卷之一百七十二

吳郡王世貞元美著

說部

宛委餘編十七

仙道鬼神姓名有可考者元始天尊姓樂名靜信見  
度人經王門子姓王名剛九靈子姓皇名化北極子  
姓陰名恒絕洞子姓李名脩太陽子姓離名明太陽  
女姓朱名翼太陰女姓盧名全太玄女姓顓名和南  
極子姓柳名融黃盧子姓葛名起馬名生姓和名君  
賢張道陵名輔劉根字君安尹執字公度介象字元

則見葛翁神仙傳河伯姓馮名夷字公子見聖賢塚墓記秦宗新祠頌又姓呂名公子夫人姓馮名夷見龍魚河圖太真夫人姓王名婉羅見真仙通鑑介子推姓王名光范蠡字少伯鬼谷子姓王名詡見神仙傳毛女字玉姜見神仙傳醫王子姓古名老師見本草序浮丘公姓李見列仙傳壺公姓施名存孔子弟子見真誥又姓謝名玄見丹臺錄武當戴將軍姓燕名濟洪崖先生姓張後洪崖先生亦姓張名氲俱見真仙通鑑東王公名倪字君明西王母姓楊名回天翁姓張字刺渴竈神名隗又姓張名卓字子郭井鬼

名瓊廁鬼名頊又姓郭名登見酉陽雜俎

李耳在母胎八十年耳有聃故一名老聃脇尊者存母胎六十歲故號難生

日姓張名表字長史日中青帝名圓常元字照龍韜赤帝名丹靈峙字綠虹映白帝名皓鬱將字迴金霞黑帝名澄潛淳字玄綠炎黃帝名壽逸阜字颯暉像月姓文名申字子光月中青帝夫人名娥隱珠字芬艷嬰赤帝夫人名翳逸寥字婉延虛白帝夫人名弄素蘭字鬱蓮花黑帝夫人名結蓮翹字淳屬金黃帝夫人名青營襟字灵定容東嶽姓玄丘名目陸南嶽

姓爛名洋光西嶽姓浩名元倉北嶽姓伏名通萌中嶽姓角名普生東海姓閔名內靈西海姓導名洞清北海姓喻名淵元又東海姓何名歸君南海姓劉名囂君西海姓劉名漱君北海姓吳名禽強君歲星姓碧空名澄瀾字青凝夫人姓涵常名寶容字飛雲熒惑星姓渙空名維淳字散融夫人姓陽常名華瓶字玄羅太白星姓寥靈名振尋夫人姓明常名颯英字靈思辰星姓肇咍名精源夫人姓淵常名玄華字龍娥鎮星姓藏睦名耽延夫人姓康常名空瑶字非賢雷公江赫冲電母秀文英風伯方道彰雨師陳華夫

俱見道經閻羅王名閔多見佛經

酉陽雜俎云二十八宿昂為首姓鞞耶尼形如剃刀屬火畢姓頗羅墮形如笠屬木觜姓毗梨佉耶尼形如鹿頭屬日又月之子參姓天婆斯失締形如婦人鬢屬日井姓參形如足跡屬日鬼姓炮波羅毗形如佛胸屬木柳姓同參形如蛇亦屬日星姓賓伽耶尼形如河岸屬火張姓瞿曇形同井屬福德天翼姓憍陳如形同井屬林天軫姓迦遮延形如人手屬毗娑梨帝角姓貨多羅形同軫屬喜樂天亢姓迦旃延氏姓多羅尼二星不載形屬房姓阿藍婆形如瓔珞屬慈氏天



心姓迦羅延形如大麥屬忉利天尾姓遮耶尼形如

蝎尾屬臘師天箕姓持父迦形如牛角屬清淨天斗

姓莫迦還形如人拓石屬不載牛姓梵嵐摩形如牛頭

屬梵天女姓帝利迦形同心屬毗紐天虛姓同翼形

如鳥危姓單羅尼形同參屬俱不載室姓閻浮都迦屬蛇

頭天蝎天之子不載壁姓陀難閻奎姓阿瑟吒形屬不載婁姓

阿含婆形如馬頭胃姓馱伽毗形如鼎足屬不載按此

稱貝編當是佛書耳而藏經不載又有祭昂用乳畢

用鹿肉甯用果參柳牛用醍醐并鬼張斗用粳米和

蜜星用烏麻翼用黑豆軫用莠稗角氐用花亢用菴

豆房用酒肉心危用粳米尾用果根女用鳥肉虛用

烏豆汁室用血奎用酪婁用大麥之說必非佛語也

○北斗魁星名第一執陰第二叶詣第三視金第四

拒理第五防忤第六開寶第七招搖

太乙君名臘天翁姓張名堅前天翁姓劉西王母又

名婉衿○甲子神名弓隆呼之入水不溺甲戌神名

執明呼之入火不燒

太真科經鬼仙名丙戌日龍生丙午日挺穰乙卯日

天隋戊午日耳述壬戌日遼辛丑日抵乙酉日聶左

丙寅日天進辛卯日赫酉又虫鬼名髮迂迂馬鬼賜

世經堂刊

九州山人稿 卷之二頁三  
蛇鬼例石圭

舊讎詞食蛇鬼者申食虎者佛胃食賊者雄伯食祥者騰蘭食咎者攬諸食夢者伯倚食礫者強梁祖名二食蟲者死寄生窮奇騰根名三王延壽所夢有游光

釁殺諸渠印堯夔瞿將劇摘脈堯峴二字句 見酉陽雜俎

鍾山神鼓崑崙山陸吾泐山蓐收日光山計蒙岐山

涉鼉夫夫山于兒海北鍾山燭陰差丘北曰奢比尸

大人北曰肝榆尸朝陽谷曰天旻巴神曰孟涂東海

渚偶號子偶京湯谷奢比尸西海渚奔茲月山曰噓南

海渚不返胡余名一北海渚禺強櫃海九鳳又強梁見山海經

五嶽真形圖東嶽歲崇西嶽善壘南嶽崇壘北嶽晨巖

中嶽暉奕龍魚圖泰山姓圓名常龍衡山姓丹名靈峙

華山姓浩名鬱狩恒山姓澄名漕涼嵩山姓壽名逸群

呼之令人不病東海神姓馮名脩青又名阿明夫人

姓朱名隱娥一又名阿明南海姓名赤夫人姓翳

名逸寥一又名祝融西海姓勾大名丘伯夫人姓靈

名素蘭一又名巨乘北海姓是名禹帳里夫人姓結

名連翹一又名禺疆又河圖東方蒼帝神名靈威仰

南方赤帝神名赤熛怒中央黃帝神名含樞紐西方

白帝神名白招拒北方黑帝神名叶光記與道經所

卷之二頁三 世經堂刊

載俱不同恐俱未可信也龍魚圖又有泰山將軍唐  
臣霍山將軍朱丹華山將軍鄒尚恒山將軍莫惠高  
山將軍石玄○太公金匱南海神曰祝融東海神曰  
勾芒北海神曰玄冥西海神曰蓐收又不同  
鄭君云五兵皆有名誦之亦有驗刀名大房虛星主  
之弓名曲張氏星主之矢名彷徨熒惑星主之劍名  
失傷角星主之弩名遠望張星主之戟名大將軍參  
星主之

弓神名曲張見龍魚河圖箭神名續長弩神名遠望  
刀神名脫光劍神名飛揚俱見太公兵法船神名馮

耳見梁簡文記衣服鬼名甚遼見酉陽雜俎

山精名夔水精名罔象山水間精名必方故水精名  
慶忌故池精名意左右有石水生其間其精名喜水  
有金者其精名侯伯一足鱉池精名髮頊三軍之精  
名賓滿木精名彭侯千載木有蟲名賈肫狀如豚玉  
精名岱委金精名石噓故宅精名輝文又名山冕可  
呼使金銀故臺屋精名兩貴故市精名毛門室精名  
僊龍丘墓精名狼鬼廢丘墓之精名元故道徑精名  
忌又名作器故井精名觀絕廁精名依倚故溷精名  
卑俱見白澤圖語忘敬遺治產鬼名臨產呼之佳釁

穀倉儻亦鬼名見東方朔罵鬼書

山中之精如小兒頭者其名跂又名熱內如鼓赤色亦一足者其名暉如人長九尺衣裘戴笠者其名金累如龍而五色赤角者其名飛飛呼之不為害大樹精名雲陽山水精如吏人者名四微大蛇著冠幘者名升卿呼之吉

百歲狼為女人名知狐為女人名紫

髮神蒼華字大元腦神精根字泥丸眼神明上字英元鼻神王壘字靈堅耳神空閑字幽田舌神通明字正倫齒神罟鋒字羅心神丹元字守靈肺神皓華字

虛成肝神龍烟字舍明腎神玄冥字育嬰脾神常在字夢停膽神龍曜字威明見黃庭內景經

釋氏有姓名可考者阿彌陀佛姓憍尸迦毗婆尸佛尸棄佛毗舍佛俱姓拘若利拘留孫佛拘那含牟尼佛迦葉佛俱姓迦葉釋迦文佛姓刹利又瞿曇氏小字頓吉訛為悉達彌勒佛姓慈氏名阿逸多一祖摩訶迦葉姓婆羅門大目犍連名胡豆一名萊服根須菩提名鳩留產二祖阿難姓刹利三祖商那和脩姓昆舍多名舍那婆斯四祖優波麴多姓首陀七祖婆須密姓頗羅墮八祖佛陀難提姓瞿曇九祖伏馱密

多姓毗舍羅十一祖富那夜奢姓瞿曇十二祖馬鳴  
大士名功勝十五祖迦那提婆姓毗舍羅十八祖迦  
耶舍多姓蔚頭藍十九祖鳩摩羅多姓婆羅門二十  
一祖婆脩盤頭姓毗舍佉二十三祖鶴勒那姓婆羅  
門二十四祖師子二十五祖婆舍斯多姓俱同中國  
初祖達磨姓刹利帝本名菩提多羅二祖慧可姓姬  
四祖道信姓司馬五祖弘忍姓周六祖慧能姓盧名  
能僧伽大士姓何高坐道人名吉友牛頭一祖姓韋  
二祖智嚴姓華烏窠禪師姓吳名元卿大慧姓馮南  
嶽懷讓姓杜永嘉玄覺姓戴石頭姓陳徑山大覺姓

朱馬祖道一姓馬二祖慧海姓朱南泉姓王龐居士  
名蘊神會姓高仰山慧寂姓葉瀉山靈祐姓趙黃蘗  
姓邢北宗神秀姓李嵩嶽慧安姓衛支遁姓關佛圖  
澄姓帛邢州寺碑則云姓濕竺道潛姓王竺僧度姓  
王名晞道安姓衛一云姓帛慧遠姓賈寶誌姓朱玄  
奘姓陳名禕慧贖姓李萬迴一行俱姓張梁四公一  
蜀闖一翫杰一麤黠一仇菴慧永姓鄱曇邕姓楊僧  
碧姓傅竺道生姓魏慧觀姓崔慧義姓梁道淵姓寇  
慧琳姓劉玄暢姓趙僧遠姓皇僧慧姓皇甫寶亮姓  
徐法通姓褚單道開姓孟白足和尚名曇始玄高姓

神州山人高卷之二百七十一世經堂刊

魏僧旻姓孫法雲姓周智藏姓顧慧超姓廉慧約姓  
婁僧稠姓孫僧達姓李三車法師姓尉遲忘國師姓  
冉圭峰姓何宣律師姓錢釋智永姓王智果同懷素  
姓錢齊已姓胡貫休姓姜辨才姓袁見佛經典傳燈  
錄高僧傳法書要錄等書

自古文章之士稱以仙去者理或有之蓋天地冲美  
秀特之氣見予獨多生有所自出有所為則去有所  
歸固其宜耳淮南王與八公上昇東方朔為華陽洞  
主司馬季主委羽托化南華冲虛各備仙職嵇康郭  
璞並著兵解曹植為遮須國王蔡邕為脩文郎劉楨

徐幹王粲俱為侍中王茂弘為尚書令陶隱居為蓬  
萊都水大監魏鄭公為太陽都錄太監李長吉召賦  
王樓記杜佑馬總為六押大都統白居易為海山院  
主韓退之為真官寇萊公蔡忠惠俱為閻浮提王麗  
籍為王屋山君韓魏公為紫府真人石曼卿為芙蓉  
城主王平甫為靈芝館仙官蘇子瞻為奎宿一云紫  
府押衙劉景文為雷部掌事沈文通為地下曹司杜  
少陵生前為文星典吏及其歿也又與李青蓮輩俱  
優游江湖稱散僊近碩太保昂臣嘗三寢徐昌穀任  
第二幾帝君後陸詹事深將終之夕亦預寢之其事

充竒怪予別有紀

又覽真誥諸書按孔子為太極上真公治九嶷山一  
云廣桑山真君顏回為明晨侍郎後為三天司直一  
云與卜商俱脩文郎召公為南明公張良為門下侍  
中張衡楊子雲為北方鬼帝治羅鄴山周公為北帝  
師莊周為太玄博士嵇康為中央鬼帝治抱犢山屈  
原為海伯統八海王弼為丘監嚴君平尚在峨眉山  
鬼谷子為太玄師治青城山墨翟為太極仙卿郭景  
純為都錄司命治雲臺山周顛為鬼官司命季札為  
北明公賈誼為西明都禁郎以治馬融事不當謫遷  
太山司馬都鑿為南門亭長臧洪為北斗天門亭長  
紀瞻為北天脩門郎與虞譚更直守天門頤和為執  
蓋郎溫太真為監海伯杜預為長史王嘉徐庶何晏  
殷浩俱侍帝晨庾亮為北太常前中衛大將軍孔融  
為後中衛大將軍陶侃為西河侯蔡謨為長史荀彧  
為北明公賓友謝幼輿為左副監

鬼神中聖者梁成賢者吳季子顏淵卜商為脩文郎  
○十方三世所有一切世界皆悉具四種相劫謂成  
住壞空成而即住住而續壞壞而復空空而又成連  
環無端都将成住壞空八十轉轡結筭一十三萬四

千四百萬年為始終之極數所謂一大劫也一日月周行四天下光明所照是為一世界如是一世界中有一千日月千須彌山王四千天下四千大海四千惡道千閻羅王千四天王千忉利天至千梵天是為小千世界爾所小千千世界是為中千世界爾所中千千世界是為三千大千世界如是世界周匝成壞眾生所居名一佛刹

四果預流即須陀洹為初果一來即斯陀含為二果不來即阿那含為三果無生即阿羅漢為四果自此以上獨覺菩提為辟支佛自覺覺他為一切菩薩摩訶薩行因果圓滿為諸佛無上正等菩提

佛經如觀音大勢至文殊普賢皆久已造佛境而不肯成佛普賢則廣大脩習圓滿未退名未息願文殊則深入善權廣化眾生故未取道觀世音於阿彌陀佛滅後成等正覺號普光功德山王如來彼佛國土曰眾寶善集莊嚴大勢至繼觀音成佛號善住功德寶王如來至文殊為七佛導師又云過去無鞅數佛皆其弟子成佛之時以恒沙諸佛世界為一佛刹其佛刹裝嚴比阿彌陀佛猶大海水比一滴水則諸佛功德未有如文殊者也



釋迦於諸弟子授記後當成佛至云彌勒發意先我  
之前四十二劫我於其後乃發道意於此賢劫以大  
精進超越九劫得於無上正真之道則授記先後又  
有不可定者釋迦雖先成佛於五濁惡世人壽百歲  
時彌勒成佛當入壽八萬歲時初會度人九十六億  
第二會九十四億第三會九十二億爾後度人無數  
蓋佛無高下功德有大小緣與願力所成耳  
釋氏謂太昊卽應聲大士孔子卽儒童菩薩顏子卽  
光淨菩薩老子卽摩訶迦葉道家謂尹喜爲釋迦佛  
老子遣化蓋其徒相傾之談耳

老子在天皇時爲通玄天師地皇時爲有古先生人  
皇時爲盤古先生伏羲時爲鬱華子神農時爲大成  
子祝融時爲廣壽子黃帝時爲廣成子帝嚳時爲錄  
圖子帝堯時爲務成子帝舜時爲尹壽子夏禹時爲  
真行子商湯時爲錫則子後以商王湯甲十八年降  
胎至武丁九年生在周西伯時爲藏史號燹邑子武  
王時爲柱下史號育成子成王時爲絰成子康王時  
爲郭叔子西出關自流沙還授禮於孔子在天以玉  
晨大道君爲師在人間以常樅爲師老子坐登行九  
步步生蓮花左手指天右手指地曰天上天下唯道

為尊釋迦生時登行七步一手指天一手指地曰天  
上地下唯我為尊不應相同如此

老子一名李耳字伯陽二名雅字伯宗三名忠字伯  
光四名石字孟公五名重字子文六名定字元陽七  
名元字伯始八名顯字元生九名德字伯文老子身  
九變有七十二相八十一好七十二相者頭圓為天  
伏晨蟠起王枕穹窿皓髮如鶴長七尺餘眉有北斗  
其色翠綠其間紫毛長五寸餘虎髭龍鬚素潔如絲  
耳無輪郭中有三漏高平於頂厚而且堅兩目日光  
方瞳綠筋鼻有雙柱形如截筒口方如海唇赤如月

氣有紫色其香如蘭齒如編貝其堅如銀數有六八  
上下均平舌長且廣形如錦文玉泉充溢其味甘香  
每發妙言聲如金玉顴高而起頤方若矩日角月圓  
金容玉姿龍顏肅肅鳳視閑閑額有允象參午上達  
天庭平坦金匱充盈腹有白痣頤有玉丸項有三約  
鶴素昂昂垂臂過膝手握十文其指纖長爪有玉甲  
身有綠毛胸有偃骨背負河魁臍深寸餘腹軟如綿  
心有錢文腹有玄痣眼有輪文足蹈二屺指有乾坤  
身長丈二徧體芳香面方而澤上下三停身如金剛  
貌若琉璃行如虎步動若龍趨此其相也左扶青龍

右據白虎前導朱雀後從玄武頭蔭紫文足履蓮花  
頂負兩景五明曜日身有圓象洞照九天氣前仙相  
光色奇妍總八十一謂之好也見法輪經老子史略  
○般若經如來三十二相足下有平滿相猶如奩底  
地雖高下隨足所踏坦然等觸第一足下千輻輪文  
輞穀衆相無不圓滿第二手足竝皆柔軟如兜羅綿  
第三兩足一一指間猶如鴈王鞞網交絡文同綺畫  
第四手足諸指圓滿纖長可愛第五足跟廣長圓滿  
與趺相稱第六足趺脩高光滿與跟相稱第七雙腓  
漸次纖圓如鹿王腓第八雙臂  
手膝如象王鼻

第九陰相勢鋒藏密猶龍馬第十毛孔各一毛生紺  
青宛轉第十一髮毛端皆上靡右旋宛轉第十二身  
皮細薄滑潤垢水不住第十三身皮金色晃耀諸寶  
莊嚴第十四兩足兩掌中頸雙肩七處充滿第十五  
肩項圓滿殊妙第十六膊腋悉皆充實第十七容儀  
洪滿端直第十八身相脩廣端嚴第十九體相量等  
圓滿如諾瞿陀第二十頤臆并身上半威容廣大如  
師子王第二十一常光面各一尋二十二齒相四  
齊平淨密根深白逾珂雪二十三四牙鮮白鋒利二  
十四常得味中上味二十五舌相薄淨廣長能覆面

輪至耳髮際二十六梵音詞韻和雅隨衆多少無不  
等分二十七眼睫猶若牛玉紺青齊整二十八眼睛  
紺青鮮白紅環間節皎潔分明二十九面輪猶滿月  
眉相皎淨如天帝弓第三十眉間有白毫相柔輭如  
絲白逾珂雲三十一頂上烏瑟臙沙高顯隆圓猶如  
天蓋三十二

祖庭廣記曰先聖生有異質凡四十九表及目注面  
月角日準河目海口斗唇昌顏均願輔喉駢齒龍形  
龜脊虎掌駢脇參膺圩頂山臍林齒翼臂注頭阜腴  
堤眉地足谷竅雷聲澤面如蒙俱兩目方手垂過膝

身長九尺六寸腰大十圍  
後耳視若營四海耳垂珠庭曾有文曰制作定世符

人鳥山經云佛經稱須彌山即人鳥山又名玄圃山  
或名大地金根山本無妙玄山元氣寶洞山神玄七  
轉觀天山綦布三百六十億萬里自然七寶宮殿為  
元始天尊治按佛經稱須彌山頂為帝釋天所居山  
頂四面峰挺出各高七百由旬金銀琉璃玻璃真珠  
車渠碼碯之所莊校然其上復有諸天道經所稱人

鳥山在諸天最尊處似不同也

須彌山半四萬二千由旬有四天王天須彌山頂為  
帝釋天上一倍為夜摩天上為兜率陀天化樂天他  
化自在天梵衆天梵輔天大梵天少光天無量光天  
光音天少淨天無量淨天徧淨天福生天福壽天廣  
果天無想天無煩天無熱天善見天善現天色究竟  
天無邊空處天無邊識處天無所有處天非想非非  
想處天凡二十八天四以下又有日月星宿天常  
憍天持鬘天堅首天凡三十二種所謂三十三天者  
卽帝釋天宮也見因本經與阿含經又不盡同

須彌山東天下名東弗于人壽三百西名西瞿耶尼  
人壽三百南名南閻浮提人壽百歲北名北鬱單人  
壽千歲長倍三天下人閻浮提今中國四夷皆是也  
中國稱震旦又稱人國則自天竺名為閻浮提之一  
也

按道家稱元始天尊居玉清清微天靈寶道君元始  
弟子居上清禹餘天太上老君為元始系子靈寶弟  
居太清大赤天卽化身為老子者也陶虛白真靈位  
業圖則謂玉清三元宮上第一中位元始天尊第二  
中位玉晨元皇大道君第三中位太極金闕帝君姓

李下註壬辰下教太平主第四中位太清太上老君  
不知所謂老子者金闕帝君乎抑太上老君乎葛洪  
元始上真衆仙記則謂元始天王在玉京山經二劫  
下遇太元聖母經一劫一施生天皇十三頭東王公  
曰元陽父又生西王母後復生地皇十一頭人皇九  
頭雷霆玉經則言浮黎元始天尊玉清神母元君生  
長子爲玉清元始天尊第九子爲高上神霄玉清真  
王長生大帝上清三尊譜錄則云第一度師上玄真  
明道君即元始上皇丈人法姓奎法諱齋法字泰正  
音姓無名延世音字觀无觀第二度師无上玄老即  
高上九天太上真玉法姓奎法諱泰法字泰正音姓  
虛無名上觀洞字運梵靈第三度師即金明七真法  
姓奎法諱齋法字齋正音姓虛玄妙名延世明字係  
上無一在上清金相宮一在上清金蘭宮一在上清  
丹靈上宮不知所謂第二第三者即靈寶太上丕大  
有金書復稱天寶君爲大洞尊神號玉清宮靈寶君  
爲洞玄尊神號上清宮神寶君爲洞神尊神號太清  
宮此則三清之別號也

玉皇上帝初劫爲先嚴妙樂國淨德王太子捨位脩  
道八百劫捨位復行忍辱三千二百劫始證金仙爲

清淨自然覺王如來又經憶劫始證王帝位見本行

經

大黃皇魯天大明玉完天清明何童天玄胎平育天  
元明文舉天七耀摩夷天名六天欲界壽萬歲虛無  
越衡天太極濛翳天赤明和陽天玄明恭華天曜明  
宗飄天竺落皇笏天虛明堂曜天觀明端靖天玄明  
恭慶天太煥極瑤天元載孔昇天太安皇崖天顯定  
極風天始皇孝芒天太皇翁重天無思江由天上撰  
阮樂天無極曇誓天名十八天色界積億歲皓庭霄  
度天淵通元洞天翰寵妙成天秀樂禁上天右四天  
無色界積年萬劫無上常融天王隆騰勝天龍變梵  
度天名四梵天壽命無有大期為三十二天合清微  
天禹餘天大赤天及無上大羅天為三十六天見靈  
寶本元經

第一無景無色鬱單無量天第二無形清微天第三  
無精波羅摩禱天第四入色水無量億羅天第五無  
極洞清上上禪善無量壽天第六玄微自然上虛禹  
餘天第七玄清上炁那首約淨天第八梵行上清炁  
稽那遏淨天第九無窮洞虛極上須延天第十玄梵  
王虛無精無羅迦淨明天第十一無玄元達上靈赤

天第十二大梵元炁離和天第十三無極上虛王空  
玄洞寂然天第十四梵無色上真炁潘羅玄妙天第  
十五飛梵行真上玄炁謾福德天第十六雲梵流精  
中元近懃際滄天第十七玄上洞極無崖不驕樂天  
第十八大梵玄天元精答懃近際天第十九行梵紫  
虛上元首帶快見天第二十虛梵上清化靈須陀結  
愛天第二十一上極無景洞微化應聲天第二十二  
大梵九玄中元阿給道德天第二十三行梵元清下  
靈炁須遠天第二十四極梵洞微九靈炁須帶阿那  
天第二十五無名至極洞微梵寶天第二十六微梵

玄天炁帶扇給道德天第二十七虛梵天炁蟬然識  
慧天第二十八空梵中天續元伊擅天第二十九大  
極無崖紫虛洞幽梵迦摩夷天第三十錄梵自然識  
慧入天第三十一玄梵大行無景無所念慧天第三  
十二雲梵上行維先何擅天第三十三無色玄清洞  
微波黎答懃天第三十四洞微玄上梵炁阿竭含那  
天第三十五玄上祿梵滅然天第三十六極色上行  
梵泥維先若那天亦見道經與琅函經所載又各不  
同。

東方極豪林之墟名呵羅提國人壽四百歲南方極



洞陽之野其國人壽三百六十歲西方極浩素之龍其國人壽六百歲北方極朔陰之庭名旬羅之國人壽三百歲上方上清陽灰空之內其國人高上玉皇萬聖帝真惟劫為年直下極大風澤名寶真無量國人壽一千二百歲見放品經

龍漢之後天地破壞逮至赤明開光天地復位一劫周又復破壞逮至開皇天地復位出洞玄靈書又五劫龍漢為木劫赤明為火劫延康為土劫開皇為金劫上皇為水劫一起一伏周而復始見猶龍傳識者非之以為漢武帝時始建有年號何得於窮劫之前預有之年

九天上第一天名鬱單無量天人壽九百萬歲歲如世間五百歲第二天名上上禪善無量壽天人壽三千六百萬歲歲如世間一千歲第三天名梵監天人壽一億五千二百萬歲歲如世間二千歲第四天名兜術天人壽六億八百萬歲歲如世間四千歲第五天名不驕樂天人壽二十三億四千萬歲歲如世間八千歲第六天名化應聲天人壽九十二萬億一千六百萬歲歲如世間六千歲第七天名梵寶天人壽七劫歲如世間五千歲第八天名梵摩迦夷天人壽

二劫歲如世間千五百歲第九天名波梨答怒天人  
壽四劫歲如世間二千五百歲其一天俱別置三天  
合三十六天見太霄琅書

四天王天壽五百歲以人間五十歲為一日初利天  
壽千歲以人間百歲為一日敝摩天壽二千歲以人  
間二百歲為一日兜率天壽四千歲以人間四百歲  
為一日化樂天壽八千歲以人間八百歲為一日他  
化自在天壽一萬六千歲以人間一千六百歲為一  
日摩身天壽三萬二千歲以人間三千二百歲為一  
日梵迦三天壽一劫光音二天壽二劫遍淨三天壽

三劫果實三天壽四劫無想天壽五百劫無造天壽  
千劫無熱天壽二千劫善見天壽三千劫大善天壽  
四千劫色究竟天壽五千劫空處天壽一萬劫識處  
天壽二萬一千劫不用處天壽四萬二千劫有想無  
想天壽八萬四千劫見阿含經按佛道二經雖不同  
大抵言天壽噫壽則壽矣亦終有盡也

玄都玉京山前為元京山峨眉山右為廣霞山左為  
紅映山紫空山五閻山皆在玉清上大羅下又三秀  
山在玉京前金華山寒童靈山秀華山俱在玉京右  
三寶山飛霞山在玉京後浮絕空山在太清中皆真

氣所化，上有宮闕。

東嶽廣桑山在東海中，南嶽長離山在南海中，西嶽麗農山在西海中，北嶽廣野山在北海中，中嶽崑崙山在九海中，爲天地心。此大五嶽也。方壺山在北海，扶桑山蓬萊山沃焦山在東海，連石山在東南，鍾山在北海，方文山員嶠山岱輿山俱在大海中，酆都山在九壘之下，玄洲在北海中，瀛洲穆洲祖洲俱在東海中，鳳麟洲聚窟洲生洲俱在西海中，炎洲在南海中，又元洲長洲俱在大海中，滄海島在大海中，高五萬里，皆神仙所居，五帝所理。中國五嶽：東嶽泰山，羅

浮括蒼爲佐命，蒙山東山爲佐理，南嶽衡山，霍山，潛山爲儲副，天台，句曲爲佐理，中嶽嵩山，少室，武當爲佐命，太和，陸渾爲佐理，西嶽華山，地肺，女几爲佐命，西城，青城，峨眉，蟠冢，西玄，戎山，吳山爲佐理，北嶽恒山，河逢，抱犢爲佐命，玄隴，崆峒，陽洛爲佐理，又三佐命山：青城山，天柱山，廬山，又有十大洞天，則王屋，委羽，西城，西玄，青城，赤城，羅浮，句曲，林屋，括蒼，三十六洞天，則霍林，蓬玄，朱陵，總真，總玄，司真，虛陵，大妙，洞虛，詠真，丹山，赤水，極玄，陽明，德玄，天寶，極玄，好生，上元，天柱，司玄，昇真，化玄，貴玄，司真，容城，太玉，太秀，法

樂長耀寶光太上寶玄秀樂長真王闕寶圭湘真太  
 虛洞陽隱觀玄真太元大酉華妙金庭崇妙丹霞仙  
 都祈仙青田大鶴大滌玄蓋朱湖太生良常方會白  
 馬玄光金華洞光紫玄洞盟皆有真仙主之七十二  
 福地則地肺仙源玉瑠青嶼崆峒郁木坑武當君山  
 桂源靈墟沃洲天姥岑若耶溪巫山清遠東白安山  
 馬嶺鶯羊洞真壇洞宮玉清壇靈源陶山爛柯龍虎  
 勒溪靈應白水源金精閣阜始豐逍遙東白源鉢池  
 論山毛公壇九華桐栢平都綠蘿章觀抱犢大面虎  
 溪元晨德山鷄籠玉峯在藍田商谷張公洞長白中條

霍山雲山四明

在黎州

緱氏臨邛少室翠微大隱白鹿

天柱大若巖崦山西白天印金城三皇井沃壤三十

六靖廬綿竹紫蓋瀘水丹陵守玄靈淨送仙契靜凌  
 虛鳳凰子真玄性契玄啓玄出谷君平斗山光天眼  
 德尋玄得一啓靈宗華朝真黃堂迎真招隱紫虛啓  
 聖啓靈鳳臺東華祈仙元陽東蒙貞陽右皆有仙真  
 脩煉之跡按記事者可謂詳悉矣然滇詔之地碧鷄  
 金馬蒼山洱水勝甲天下又自廣而西山皆聳秀黛  
 碧洞多深窈宏觀寧無仙真總理蓋記者以其時中  
 國版圖未備無所攷證耳四海之外九天之表乃能

懸立五嶽群山之名耶

仙人有赤松子神農時為雨師赤將子與黃帝時人仕堯為火正赤須子秦穆公時為主魚吏張子房欲從赤松子游張君房迎赤須子而師之其相類乃爾

舟州山人四部稿卷之一百七十三

吳郡王世貞元美著

說部

宛委餘編十八

王荆公以誤解三昧字為釋門所譏余又不得頻婆末利花果二字義近於宋板翻譯名義集攷出恍若獲真珠船者因取佛書中有常用而不能解或此解而不知彼音者悉錄之

多陀阿伽陀如來也阿羅訶應供也三藐三佛陀正徧知也亦云正徧覺也鞞侈遮羅那三般那明行足



舟州山人稿 卷之一百七十三 世經定例

也阿耨多羅無上也脩伽陀去也路迦憊世間解也  
富樓沙曇藐婆羅提可化丈夫調御師也舍多提婆  
魔菟舍喃天人教師也路迦那他世尊也阿羅訶應  
供也又殺賊也又生觀也佛陀知者也佛覺也罽那  
尸棄寶髻也提洹竭然燈也毗婆尸一曰維衛也勝  
觀也毗舍浮一切自在也俱留孫所應斷也拘那含  
牟尼金寂也迦葉波飲光也袍休蘭羅大寶也卽多  
寶佛阿彌陀無量壽也又爲無量清淨阿閃無動也  
刹那伽羅寶積也提和羅耶天人王也盧舍那光明  
徧照也釋伽能仁也牟尼寂默也瞿曇純熟也姓也  
刹帝利王種也秦言田主須陀洹入流也斯陀含一  
往來也阿那含不來也菩薩菩提薩埵自覺覺衆生  
也文殊師利妙德也迦輪跋陀普賢也阿那婆羅吉  
低輸觀世音也摩訶那鉢大勢至也純陀妙義也阿  
迦雲藥王也達磨法也乾陀訶提不休息也維摩羅  
詰淨名也彌勒燕氏也提婆達多天授也阿差末無  
盡意也般若拘羅智積也那羅延金剛也阿羅漢總  
名殺煩惱遠離諸惡堪總供養不受三界生也舍利  
弗身子也又曰鶖子摩訶迦葉波大龜氏也阿那律  
無滅也須菩提善吉也又空生羅睺羅覆障也阿難

歡喜也。又無染。賓頭盧不動也。難陀善歡喜也。離婆  
 多星宿也。拘締羅大膝也。提婆犀那天軍也。盪但羅  
 上也。迦留陀夷黑光也。優陀夷出現也。須跋陀羅好  
 賢也。耶輸陀羅華色也。阿濕縛窶生馬鳴也。那伽曷  
 樹那龍猛也。言龍樹誤阿梨跋摩師子鎧也。求那跋摩功  
 德鎧也。阿僧伽無着也。婆釁盤世親也。言天親誤賓伽羅  
 青目也。波毗吠伽清辨也。遠磨波羅護法也。達磨法  
 也。伊濕伐邏自在也。布刺拏圓滿也。尸羅跋陀羅戒  
 賢也。曷利他如意也。鳩摩羅什婆童壽也。佛陀耶舍  
 覺明也。曇摩耶舍法稱也。曇摩識法豐也。曇無竭法

勇也菩提流支覺孝也。波羅末陀真諦也。波頗智光  
 也。地婆訶羅日照也。多羅救也。波利護也。宣灑弟子  
 也。比丘乞士也。上乞法。下乞食也。芘芻香草以喻僧  
 也。沙彌息慈也。優婆塞優婆夷清淨士女也。僧伽衆  
 多也。又和合也。沙門本名宣摩那拏功勞也。和尚本  
 名鄔波遮迦于闐翻為和尚。此力生又近誦也。闍梨  
 本名阿遮梨邪軌範也。頭陀抖數也。又脩治也。摩摩  
 帝寺主也。羯磨事也。鐸曷擺小師也。阿夷怡新學也。  
 提多羅咤治國主也。忉利本名多羅夜大梵西音。此  
 名離欲又淨行也。尸棄火也。首陀羅淨居也。摩利支

陽炎也者婆命也蘇利耶日神也蘇摩月神也印度  
日月也盜哦羅迦火星也部陀水星也勿理訶娑跋  
底木星也沙乃以宣折羅土星也戌羯羅金星也阿  
那婆達多無熱也夜又勇健也伊羅臭氣也羅刹連  
疫鬼也乾闥婆香陰也天樂神阿脩羅無端正也又  
非天迦樓羅金翅也緊那羅疑神也波旬本名波卑  
夜惡也魔登伽本性也阿斯陀無比也又端正羸提  
忍辱也婆藪天慧也摩菟舍喃人也摩菟賒意也僕  
呼繕那衆生也逋沙丈夫也迦羅越居士也婆羅毛  
道也鄒婆弟鑠父母也波帝夫也婆梨耶婦也鳩那  
羅惡人也拘摩羅童子也般吒黃門也扇提羅石女  
也馱索迦奴也旃陀羅嚴熾也即屠者羯耻那煮狗  
人也須達多善施也耆婆能活也婆羅門淨行也梵  
志淨裔也娑毗迦羅金頭也又黃髮蘇氣怛羅善星  
也彌戾車惡見也薩遮尼乾離繫也琰魔亦曰閻羅  
靜息也又雙王闍黎哆祖父也鳩槃荼甕形也是魔  
鬼毗舍闍顛鬼也烏芻瑟摩火頭也惡祁尼火神也  
奕庚風神也鉢健提堅固也婆里旱力士也地嚩伽  
長大也分那柯滿也底栗車畜也那伽龍也宮毗羅  
蛟也叔叔邏虬也僧伽彼獅子也迦耶象也瞿摩帝

卷之三十一  
世經堂



牛也婆蹉富羅犢子也揭伽犀也阿濕婆馬也蜜利  
迦羅鹿也悉伽羅野干也摩斯吃獼猴也舍迦兔  
也迦陵頻伽妙聲鳥也嘶那夜鷹也臊陀鸚鵡也僧  
娑鴈也迦頻闍羅雉也鳩鳩吃雞也斫迦邏婆鴛鴦  
也舍羅百舌也迦布德迦鴿也摩由邏孔雀也阿梨  
耶鷓也姑栗陀鷲也揭羅闍鷓也毗囉拏羯車婆龜  
也摩竭鯨也失收摩羅鰐也泥犁耶無有也名地獄阿  
鼻無間也三摩耶假時也因陀羅天主也帝也遮闍  
那王也摩訶三摩阿羅遮太平等王也薩縛達一切施  
也尼毗迦與也歌利惡也波斯匿和悅也阿闍世未

生也阿育無憂也尸羅阿迭多戒日也祇陀戰勝也  
摩訶摩耶大術也未提希思惟也索訶一曰娑婆能  
忍也闍浮提勝金也鬱單越勝處也羅閱祇伽羅王  
舍城也拘尸那角城也伽耶山城也蜀賓賤種也烏  
仗那苑也赭時石國也颯秣建康國也屈霜你迦何  
國也史有何人弭秣賀米國也屈支龜茲也脂那一云  
支那文物國也茂戾車邊地也蘇迷慮即須彌妙高  
也耆闍崛鷲頭也屈屈吃播陀鷄足也補陀落迦海  
島也今定海中優留曼陀大醍醐也蘇達梨舍那善  
見也額溫縛拏馬耳也阿濕摩石也阿迦水也阿耨

見也

達無熱惱也。旃伽天堂也。婆竭羅鹽海也。賀邏馱池也。提洲也。婆那林也。畢利又高顯也。阿輸迦無憂花樹也。娑力叉樹也。軻梨羅苦梗木也。多羅舊名息多岸也。尸多婆那一名尸陀寒林也。鞞鐸佉嚼楊枝也。頗羅果也。菴羅柰也。頻婆相思也。訶梨勒天主持來也。播囉師胡桃也。鎮頭迦柿也。篤迦栗也。居陵迦李也。布瑟波花也。弗把提天花也。末利花柰花也。曼陀羅雜色也。優鉢羅黃白色花也。婆羅羅重生也。分陀利白蓮也。漚鉢羅青蓮也。鉢特摩赤蓮也。拘某陀黃蓮也。乾陀羅耶香也。梅檀離垢也。瞻博一曰瞻蔔黃色香花也。迦算薤香也。吐嚕瑟劍蘇合也。杜嚕薰陸也。突婆茅香也。羯布羅龍腦也。薩闍羅婆白膠也。莫莫訶婆伽麝香也。多揭羅芸香也。阿伽噓沈香也。拙具羅安息也。茶矩磨鬱金也。蘇伐羅金也。跋折羅金剛也。阿路巴銀也。鉢擺娑福羅珊瑚也。阿濕摩揭婆琥珀也。牟婆洛揭拉婆車渠也。摩羅伽隸瑪瑙也。摩尼珠名離垢也。鉢摩羅伽赤色珠也。甄鉢迦赤寶也。吉由羅瓔珞也。彌訶金帶也。曷刺怛那揭婆寶臺也。洛叉十萬也。俱胝百億也。那由它萬億也。阿僧祇無央數也。佉梨斛也。婆訶笈也。受二十斛摩偷又宰利

牟州山人稿 卷之二十七 五 世經堂亥

翻酒也毗嵐迅猛風也差羅波尼灰水也朱利草賊也薩哀煞地蛇藥也優檀那印也婆利曲鈎也亟縛徒鞞也含樓伽藕根也俱蘭吒色也伊尼延金色也蘇樓波妙色也尼羅青也阿羅那赤也盧醯咀迦又迦沙野同叔離白也訖里瑟拏黑又迦茶里也健陀羅黃也羅差紫也冰伽羅蒼也脩多羅又素怛纜經也毗柰耶善治也又爲毗尼滅也律也阿毗曇無比法也又奢薩怛羅論也俱舍藏也祇夜重頌也和伽那授記也尼陀那因緣也阿波陀那譬喻也伊帝目多加本事也闍陀伽本生也毗佛略方廣也阿浮達摩未曾有也阿舍本阿笈多教也又法歸也首楞嚴健相也楞伽本駿迦不可往也毘達磨芬陀利妙法蓮花也般舟佛立也摩訶袒持大秘要也孟蘭倒懸也本名烏藍婆拏救倒懸也脩跋拏婆頗婆鬱多摩金光明也曇無德本曇摩毘多法密隱覆又法藏也薩婆多一切有也摩訶僧祇大衆也健度本婆健圖法聚也瑜伽師地相應也毗婆沙廣解也鼻婆沙種種說也毘勒篋藏也毘婆闍婆提分別論也波羅密木又解脫也三昧調直定也又正定也正受也末底慧也檀那布施也尸羅清涼也羸提安忍也又忍辱

也毗梨耶精進也禪那精進也般若智慧也阿羅蜜  
遠離也波羅密度彼岸也波羅伽同豆佉苦也三年  
提耶集也尼樓陀滅也未伽道也奢摩它止也毗婆  
舍那觀也憂畢又平等也毗跋耶斯四念處也摩奴  
是若如意也娑羅力也尼坻願也薩婆迦摩樂欲也  
浮曇末至誠也懺摩本又摩忍也地底迦有愧也波  
娑提伽即梵摩清淨也羯摩業也又事也布薩淨住  
也鉢刺婆刺拏隨意也喩匿止也又梵喩梵音敗音讚  
婆闍尼娑婆唎聲音也鉢底婆辨才也槃那寐  
我禮也那謨悉羯羅禮拜也南無或那謨

或南摩歸命也又恭敬也歸命覺也信從也彌羅慈  
也迦樓那悲也阿檀或阿捺摩無我也阿蘭那無諍  
也又寂淨也默那演那靜慮也迦尋也毗遮羅  
伺也三跋羅護也三跋致發趣也達才施也摩訶  
般涅槃那大滅度也又圓寂也涅言不生槃言不滅  
阿耨多羅三藐三菩提阿無也耨多羅上也三藐正  
三徧也等也喜提覺也又道也阿婆磨無等等也目  
帝羅解脫也阿鞞跋致不退轉也膩地依也陀羅尼  
能持也又遮持也薩怛多般怛羅白傘蓋也蘇盧都  
訶決定也胡蘇多除一切鬱蒸熱惱也蜜奢兜金鼓

也。但你也。他所謂也。娑婆訶善說也。又解去也。尔焰所知也。多伽梢根智也。漚和俱舍羅方便也。何提初也。阿耨波陀不生也。羅闍垢也。波羅末陀第一義也。遮梨夜行也。那不也。邏求輕也。陀摩善也。摩陀縛也。茶闍它不熱也。沙六也。和波陀語言也。多它如也。夜他跋實也。吒婆障礙也。迦邏作者也。娑娑一切也。磨磨迦羅我所也。迦陀底也。闍提闍羅生也。馱摩法性也。除多寂滅也。义耶盡也。若那智也。阿施義也。婆伽破也。伽車提去也。火夜喚來也。末嗟羅慳也。伽那厚也。歌大衆也。遮羅地動也。彼茶必也。便善那文身也。

那摩名也。波陀句也。跋渠品也。都羅喜也。摩訶羅無知也。喝薩訛也。娑度善哉也。阿呼奇哉也。闍維本茶毗。焚燒也。陀呵燒也。僧柯慳多弭有為也。般遮于瑟五年一大會也。般遮于旬五神通人也。似以三字釋五而以一字也。烏瑟膩沙佛頂也。母陀羅結印手也。迦私光也。舍利骨身也。頻婆帳者身影也。離佉書也。毗伽羅也。攝拖苾馱聲明也。韋陀智論也。僧佉論本僧企耶數術也。鞞憇無勝也。勒沙婆苦行也。路伽耶順世也。又善論也。逆路伽耶陀左世也。又惡論也。殺三摩娑離合

也達梨舍那見也。尼延底深入也。羯吒斯愛也。提鞞沙。噴恚也。慕何癡也。何耆毗伽邪命也。阿羅伽欲也。奢佗諂曲也。質多耶心也。污栗馱草木心也。紇利陀耶肉團心也。末那意也。阿陀那執持也。菴摩羅清淨識也。乾栗陀耶真實心也。塞健陀蘊也。鉢羅味奢入也。馱都界也。歌羅邏凝滑也。頰部曇胞也。蔽尸凝結也。健男凝厚也。鉢羅奢佉形位也。娑路多羅成縷多能聞也。迦羅尼羯羅拏能嗅也。砥若時吃縛能嘗也。鼻鼓迦種也。攝提假也。優陀那丹田也。阿那遣來也。入息般那遣去也。出息烏波有也。薩迦耶薩無常也。佉那生也。末刺誦生死也。生死總名。又曰闍提闍迦。摩羅黃病也。阿薩闍不可治病也。珊若娑廢風病也。刹摩本掣多羅丈田也。刺瑟胝竿也。即幡柱也。羅摩院也。招提本名招闍提奢四方僧物也。訛爲招提翻作別房施。又對面施。阿蘭若遠離處也。一作閑靜處。僧伽藍衆園也。那爛陀施無厭也。林微尼解脫處也。阿奢理貳奇特也。窣堵波方墳也。又圓塚。又高顯也。梵名塔婆發訛爲浮圖。浮圖者聚相也。支提可供養處也。舍磨奢那塚也。健陀俱胝香室也。滿荼邏壇也。脫闍幢也。拘吒迦小舍也。捷椎磬也。又鐘也。舍羅籌

桐廬道中

日暮昏烟宿雨收  
山樓舊屋見  
無常板屋宿雨  
諸溪既東長江  
萬木低昂老  
我家依碧峰  
松川無  
路訪丹梯  
翻雲却憶當年事  
一曲  
勞歌勸水西

注：勸力之勸，以送舟行，天許暉謝詩  
送別詩字，勸一曲解行舟

也隙棄羅錫杖也軍持瓶也本名摺稚迦菟瓦淨用  
銅鐵觸用鉢里薩羅伐拏濾水羅也鉢塞莫數珠也  
鉢多羅應器也即鉢也健銘淺鐵鉢也俱夜羅隨鉢  
器也震越衣服也袈娑去穢也一云不正色一云離  
染服僧伽梨合也重也又重複衣鬱多羅僧上著衣  
也即七條安陀會中宿衣也鉢吒縵條也一幅氎成  
尼師壇坐具也僧祇支掩掖也泥縛些那裙也舍勒  
內衣也迦絺那功德衣也憍奢耶蟲衣也蠶所成屈眴  
大細布也睽婆木綿也迦波羅劫貝也即木綿迦隣  
陀衣細錦衣也兜羅綿細香也一翻楊華欽跋羅毛

也頭鳩羅細布也芻摩麻衣也那波吒絹也摩羅蔓  
也逋沙他齋也烏瞞沙它受齋也蒲闍尼正食也佉  
闍尼不正食也半者蒲善尼五噉食也半者珂但尼  
五嚼食也佉陀尼可食物也鉢和羅自恣食也分衛  
乞食也但鉢那麩也迦師錯麥也  
安居者南山云形心攝靜為安要期住此為居結夏  
者通制三時偏約夏月一無事遊行妨脩出業二損  
傷物命違慈寔深三所為既非故招世謗又云夏中  
除大小便餘則跏趺而坐所以但結三月者前為開  
後為成供身衣食故也四月十六日是前安居十七



日已去至五月十五日名中安居五月十六日名後安居一云前三月則從五月十六日至八月十五日後三月則從六月十六日至九月十五日入則為結夏出則為解夏其云坐夏坐臘皆非也臘不是冬月義接也謂新故之相接其云僧臘蓋亦一歲新故相接耳

因果經云二月八日佛誕生摩騰云周昭王二十四年甲寅之歲四月八日生周書異記同唐費長房則云周莊王它十年四月八日生什法師石柱銘同趙伯休記云周貞定王二年甲戌至法顯則云殷世武

乙二十六年甲午生鷲嶺聖賢錄則說佛生時有八別一夏祭時二武乙時三周昭王時四穆王時五平王時六桓王時七莊王時八貞定王時又云周正四月非今四月也然則今之定以為昭王甲寅四月者雖於衆說為長亦未確然

僧食稱齋亦取齋戒之義云齋也日未中與過中皆不齋故不食所謂五正食則麩飯乾飯魚肉也一云噉食五不正食枝葉花果細末磨食也一云嚼食

法華經佛告彌勒日月燈明佛入滅弟子妙光菩薩持妙法蓮華經滿八十小劫為人演說妙光弟子八

百中有一人號曰求名貪著利養雖復讀誦衆經而  
不通利多所忘失故號求名是人亦以種諸善根因  
緣故得無量百千萬億諸佛供養恭敬尊重讚歎彌  
勒當爾時妙光菩薩豈異人乎我身是也求名菩薩  
豈異人乎汝身是也至緣起經則云釋迦彌勒脩菩  
薩道時俱當成佛釋迦以精進故超三劫彌勒即求  
名以貪供養故退三劫其不同乃爾夫既精進可超  
貪供可退則佛所懸記弟子當來成佛摩訶迦葉須  
菩提大迦旃延大迦葉富樓那彌多羅尼子憍陳如  
比丘等又豈無一二進退於其間耶且先許者佛壽  
十二小劫其次則二十四小劫最後則無量阿僧祇  
劫而不以學業功行為次第皆不可曉也

十大弟子舍利弗智慧目捷連神通大迦葉頭陀阿  
那律天眼須菩提解空富樓那說法迦旃延論義優  
婆離持律羅睺羅密行阿難陀多聞蓋亦吾孔門十  
哲之擬也

提婆達多生身謗佛入地獄尚云不減四禪天樂又  
云佛於異類中行及脩菩薩道時世世為雙後亦懸  
記成佛以其世世相值若曰他山之石攻玉云耳夫  
成佛是真則何以戒人謗法使謗法是假則何以止

謗法之人此又不可曉也

韓退之言漢明帝時始有佛法在位止十八年宋齊梁陳事佛漸謹梁武在位四十九年餓死臺城國亦尋滅此不足以服憲宗心也自憲宗前赫連勃勃盡佛於背迫僧禮拜為雷震死子昌滅佛教身死國滅魏太武誅僧毀寺見弑人手周武帝除佛法次年晏駕子天國亡自憲宗後武宗去塔寺亦以次崩無子宋徽宗改佛為金仙約僧留髮尋有播遷之禍以唐文皇宋藝祖我太祖太宗之明斷隋文帝之威果而不能不歸心釋教此必有內契於心者矣

譯經圖記云明帝永平三年庚申帝感異夢勅郎中蔡愔中郎將秦景博士王遵等十八人西尋佛法至印度國請迦葉摩騰竺法蘭用白馬馱經像以十年丁卯至洛陽帝悅造白馬寺譯四十二章經十四年正月一日五嶽道士褚善信等不悅朝正之次表請較試勅遣尚書令宋庠引入長樂宮詔以十五日集白馬寺南門信等以靈寶諸經置道東壇上帝以經像舍利置道西七寶行殿上信等遶壇泣懇天尊以梅檀香燒經冀經無損並為煨燼其諸昇天入火履冰隱形諸術皆不復能善禁咒者亦呼策不應太傅

張衍語信曰所試無驗即是虛妄宜就西域真法時  
南嶽道士費叔方慙忸自感而死時佛舍利光明五  
色直上空中旋環如蓋徧覆大衆映蔽日輪摩騰先  
是阿羅漢即以神足游空飛行坐臥神化自在時天  
雨寶華及奏衆樂摩騰復坐法蘭說世後宮陰夫人  
王婕妤等百九十人司空楊城侯劉善峻等二百六  
十人四嶽道士呂慧通等六百二十人京都張子尚  
等三百九十一人俱出家引吳書闕澤對吳主云褚  
善信費叔方自感而死爲證攷之漢史明帝自元年  
太傅鄧禹薨後絕不置此官三公中亦無所謂張衍  
者十四年衛尉趙熹行太尉司空爲牟融亦不聞有  
所謂劉善峻也且道教符籙之興起於張陵盛於寇  
謙之而極於杜光庭當時豈知所謂二教亦豈以白  
馬一寺而道士遂與之鬪法哉此旣云永平十四年  
以靈寶諸經鬪法而廣弘明集云靈寶創自張陵赤  
鳥始出上清肇自葛玄三洞造於鮑靚其自相矛盾  
可見

從佛出十二部經從十二部經出九部脩多羅從九  
部脩多羅出方等從方等出摩訶般若從摩訶般若  
出大涅槃譬之從牛出乳從乳出酪從酪出生酥從

生酥出熟酥從熟酥出醍醐用脩之譚苑醍醐蓋本  
此也噫豈其能醍醐哉

哀歎品曰云何為祕密之藏猶如伊字三點若並則  
不成伊縱亦不成如摩醯首羅面上三目乃得成伊  
三點若別亦不成伊按伊字八有兩伊舊伊橫豎斷  
絕新伊下草相連細畫蓋梵書也苑咸書三點成伊  
本此

諸天命欲終時五死相現一華冠萎二腋下汗出三  
蠅來着身四見更有天坐已坐處五自不樂本座見  
然大論又曰五衰一衣服嚴具出非愛聲二自身光

明忽然暗劣三於沐浴位水滴着身四本性囂馳今  
滯一境五眼本凝寂今數瞬動此五相現非定命終  
遇勝善緣猶可轉復有五種大衰相現一衣染塵埃  
二華蔓萎悴三兩腋汗出四臭氣入身五不樂本座  
此五相現必定當死蓋大同小異

苑咸詩又有蓮花卍字總由天按卍字本弘佛曾前  
吉祥相也又壽字佛髮右旋而結作此形亦吉祥相  
也中國呼為萬音疑亦意會耳

涅槃經閻浮界內有振旦國我遣三聖化導人民慈  
哀禮義具足法行經孔子光淨菩薩老子迦葉菩薩

顏子月光菩薩

祖有兩龍樹西土少年時博綜藝術與同志三人學  
隱身術入王宮數月美人懷妊者衆王用智臣以細  
土置門中見四人足跡乃令勇士揮劍空中斬三人  
首近王七尺刀所不至龍樹歛身依王得免悔而入  
山成道後化南天竺王問諸天何所作爲答曰天今  
與阿脩羅戰須臾空中刀劍及脩羅刀鼻相繼下王  
乃驚服又與善呪婆羅門角力婆羅門天池蓮華  
坐其上龍樹化白象入池鼻舉蓮花高獨婆羅門傷  
背而伏蓋道家葛仙公左元放之流也東土龍樹尊  
者見入楞伽經善逝涅槃後未來世當有南天竺比  
丘厥號龍樹得初歡喜地往生安養國按龍樹作大  
無畏論而東土所稱無畏論主又不載事蹟即此龍  
樹也

天台智者智顛傳開皇十二年至當陽上金龍池月  
夜見二人威儀如王者一人長而美髯豐厚少者秀  
發前致辭曰予卽關羽漢末紛亂時事相違有志不  
遂死有餘烈故王此山大德聖師何在神足師曰欲  
於此地建立道場神曰願哀憫我愚特垂攝受此去  
一舍山如覆船其土深厚弟子當與子平建寺化供

護持佛法願師安禪七日以須其成師既出定湫潭  
千丈化為平陸棟宇煥麗巧奪人目神即受師五戒  
乃致書晉王廣上玉泉伽藍圖王答既事出神心理  
生望表即當具奏佳號奏賜名玉泉寺今寺有塑羽  
像以爲伽藍神蓋本此也

玄光辯惑論攻道家言張陵爲蟒蛇所喻子衡奔尋  
無處假設權方生糜鵠足置石崖頂剋期告衆云正  
月七日天師昇玄米民山獠蟻集闕外方夜衡入爻  
之乃出詭稱云云密抽游胃鵠直衝虛空與李膺蜀  
中記略同其所著三逆妄造黃書呪癩復勤勤行此

又有所謂塗炭齋者驢輓泥中黃鹵泥面摘頭懸仰  
坻埴使熟又云吳陸脩靜者甚知源僻猶塗揆額懸  
縻而已吾嘗跋慧遠白蓮社圖以脩靜相去百年爲  
疑審爾脩靜雖同時慧遠恐不引之入社矣僧道宣  
又稱脩靜因梁武捨道奉佛走入齊天保六年與沙  
門較法遇醉僧曇顯不勝伏法遂革道教後考吳志  
則云脩靜字元德郡人棲廬山白雲寺與慧遠師結  
白蓮社宋文帝表其高風作停霞寶贊使徐湛宣旨  
留之不可太始二年作崇虛館通仙堂強招之使講  
道元徽五年化去春秋七十有二謚簡寂先生詔以

世經堂刻  
所居為簡寂觀然則江左蓋有兩陸脩靜而廬山十  
八賢與虎溪三笑之疑不待辨也但脩靜詔謚如此  
而正史不載未曉其故

釋道宣記傅奕范陽人入周通道觀隋開皇十三年  
與中山李播請為道士十七年事漢王諒諒反遷岐  
州唐初為太史令武德四年上減省寺塔僧尼等十  
一事高祖覽之廢諸州寺塔又云奕本道門起家貧  
賤武德之始西來入京謁道王歸歸左道之望延奕  
私宅待以上賓三數日間遂通其婦入堂笑語曾不  
避歸有兄子為寺僧見而發之奕大恚恨又引唐臨

真報記貞觀十四年奕暴病卒初與道士傅仁鈞薛  
績善奕鈞先亡績夢見鈞曰先所負錢可付泥問為  
誰曰傅奕也又馮長命夢見亡人問傅奕受何報曰  
已配越州作泥人矣泥人者泥黎中人也蓋地獄名  
矣按奕相州鄴人事漢王諒為儀曹諒反以直言不  
從坐徙扶風高祖為扶風大守善之即位拜太史丞  
以庾儉薦為令數排毀儉儉不為恨武德七年上書  
訖浮屠法又上十二論言益痛切帝善之未及行貞  
觀十三年卒年八十五病未嘗問醫忽酣臥蹶然起  
曰吾死矣乎即自誌曰傅奕青山白雲人也以醉死



嗚呼奕武德初入京六十餘近七袞矣豈有淫王歸婦事蓋釋門恨而醜詆之故也第一時諸僧辨奕者皆力言道法之污罔豈奕於彼教陰有黨耶釋有兩慧遠一則開廬山之教於宋初一則護承光之法於周武

續高僧傳護法以曇無最爲首在魏正光元年與清通觀道士姜斌上殿講法帝問佛與老子同時否姜斌曰老子西入化胡成佛佛爲侍者出開天經明是同時最問老子同何王而生何年西入斌曰當周定三年在楚國陳州苦縣九月十四日夜生敬王元年年八十五與散關令尹喜西入化胡最曰佛當周昭王四月八日生穆王五十二年二月十五日滅度經三百四十五年始至定王三年方生至敬王元年凡經四百三十年始與尹喜西遁何得言同時乎尋究開天經緣歷斌不能對配徙馬邑其語如此絕無精義可采又記一小說逝者見曇無讖至閻羅王所責以諍論不誠心向道送至一黑門似非好處傳亦稱後不測所終豈亦爲是耶

傳又稱靜藹者以周武將滅佛法上書力諍不得請與道宗人並烹以別真僞帝不聽卒滅之遂歸隱太

乙山錫谷中厭身情迫勅遣侍者跏坐磐石自條身  
肉段段布於石上引腸挂於松枝五藏都皆外見自  
餘筋肉手足頭面斃折都盡以刀割心捧之而卒次  
日合掌捧心跏坐如初所傷餘骸一無遺血白乳滂  
流凝於石上仍留偈於壁夫佛教自殺者不復人身  
此殆不可思議矣

諸有謂佛法入中國不始於漢明者以列子西方有  
聖人老子師竺乾及武帝得休屠王祭天金人爲證  
按宣律師傳有一天人姓陸名玄暢來謁律師云第  
子是周穆王時生在初天本是迦葉佛時天爲通化

故周時暫現所問高四士臺者其本迦葉佛於此第  
三會說法度人至穆王時文殊目蓮來化穆王從之  
即列子所謂化人者是也化人示穆王云高四臺是  
迦葉佛說法處因造三會道場至秦穆公時扶風獲  
一石佛穆公不識棄馬坊中穢污此像護像神瞋令  
公染疾公又夢遊上帝極被責疏覺問侍臣由余便  
答云臣聞周穆王時有化人來此土云是佛神穆王  
信之於終南山造中天臺高千餘尺基址見在又於  
倉頡臺造神廟名三會道場公今所患殆非佛爲之  
耶公聞大怖語由余曰吾近獲一石人衣冠非今所

製棄之馬坊得非此是佛神耶由余聞往視之對曰  
此真佛神也公取像澡浴安清淨處像遂放光公又  
怖謂神瞋也宰三牲以祭之諸善神等擊棄遠處公  
又大怖以問由余答曰臣聞佛清淨不進酒肉愛重  
佛命如護一子所有供養燒香而已所可祭祀餅果  
之屬公大悅欲造佛像絕於工人又問由余答曰昔  
穆王造寺之側應有工匠遂於高四臺南村內得一  
老人姓王名安年百八十自云曾於三會道場見人  
造之臣今年老無力能作所住村北有兄弟四人曾  
於道場內為諸匠執作請追共造依言作之成一銅

像相好圓備公悅大賞賚之彼人得財並造功德於  
土臺上造重閣高三百尺時人號之高四臺或曰高  
四樓其人姓高大者名四或曰兄弟四人同立故也  
或取大兄名以曰之故有高四之名至今稱也然則  
秦穆公時佛法已入中國矣宣師不應誕

傳燈錄謂二祖慧可初事達磨嘗斷一臂置前達磨  
知是法器始傳以祖心印及楞伽經至續高僧傳則  
云周滅佛法可與林法師同學共護經像遭賊斷臂  
以法御心不覺痛苦火燒斫處血斷帛裹乞食如故  
曾不告人後林又被賊斫其臂叫號痛夕可為治裹

乞食供林林怪可手不便怒之可曰餅食在前何不  
自裹林曰我無臂也可不知耶可始曰我亦無臂復  
何可怒二記皆開士所述而慧可一臂一以為求法  
一以為遇寇不同乃爾

弁州山人四部稿卷之一百七十四

吳郡王世貞元美著

說部

宛委餘編十九

漢武內傳王母設膳於漢武乃命王子登彈八音之  
璫董雙成吹雲龡之笙石公子擊昆庭之鐘許飛瓊  
鼓震靈之簧阮靈華拊五雲之石范成君擊洞陰之  
磬段安香作九天之鈞武夷山古記秦始皇二年八  
月十五日武夷君魏子騫會鄉人於幔亭命張安陵  
打引鼓趙元奇拍副鼓劉小禽坎鈴鼓曾少重擺鼓

鼓喬知滿振嘈鼓高子春持短鼓鮑公希吹橫笛何  
鳳兒拊節板東幄奏賓雲左仙之曲次命董嬌娘彈  
坎篪謝英妃撫長琴呂荷香曼國腹即琵琶黃次姑噪  
悲慄即篋秀淡鳴洞簫宋小娥運居巢笙羅妙容揮  
鈿鈸銅西幄奏賓雲右仙之曲行酒進食乃令彭令  
昭唱人間可哀之曲二事及樂器名多異因記於此  
○四真降南嶽魏夫人各有歌太極真人方諸青童  
扶桑神五清虛真人王母贈魏夫人歌雙禮珠彈雲  
璈而答

高仙盼游洞靈見上清元君龜山君二真乃命持文

王延賢于廣運等彈雲林琅玕之璈安德音范四珠  
擊昆明之筑左抱容韓賢賓吹鳳鸞之簫趙運子李  
慶王拊流金之石辛白鶴鄭辟方燕婉來回雙連等  
四人合歌

九華安妃降楊司命有紫微王夫人右英王夫人桐  
栢山真人清靈真人中候夫人昭靈李夫人太虛南  
嶽真人赤松子方諸青童南極紫元王夫人俱作歌

又楊君夢游蓬萊山有石慶安張誘世許玉斧丁璋  
寧俱作詩此外青靈大君西成真人王小有真人王  
方諸東華靈妃太微玄清左夫人禁之中郎將辛亥

子定錄中候茅季偉俱有詩

周子良為華陽弟子有保命府丞樂道士嵩高馮真人張仙卿洪先生華陽童俱授詩

神仙之跡未有如晉許氏之盛而亦未有如許氏之不相蒙者陶貞白極重真誥真誥稱許穆與兄揆次兄虎牙子玉斧門客楊羲俱為仙官而羲穆最貴中有許邁與穆二書貞白所著許長史碑穆世名謚仕至護軍長史散騎常侍得道卒年七十二揆世名毗虎牙名聯皆得道又云第四兄字遠游永和四年嘉遁不返晉書許邁傳字叔玄一名快句容人後名玄

字遠游與王右軍善游名山不知所終好道者謂之羽化然不為謚作傳亦不及其仙事而今世所崇奉許真君者名遜據列仙傳為遠游弟當與郭景純俱參正敦軍切諫景純兵解而真君隱去以陰功重僊品最高為九天採訪使真誥又略不之及何也晉史既非隱書真誥亦是真文貞白又煥然如彼而許真君又赫然如此都不相及何也右軍有玄度腫至一帖黃長睿楊用脩遂引以駁晉史謂玄度實病死乃云服巨勝仙去不知玄度乃許詢非邁也續晉陽秋曰詢字玄度高陽人風情簡素辟司徒掾不就早卒

世說盛稱之晉史既不為詢作傳僅附見孫綽傳中亦無服巨勝語此皆不可曉者

抱朴子載華譚字令思高才洽聞之士也而事之不經者多所不信後有道士說黃白之方乃試令作之曰以鐵噐銷鉉散藥投中即成銀又銷此銀以他藥投之乃作黃金又從此道士學徹視之方行之未百日即卧便見天文及四隣了了不覺復有屋室籬障又妾石瑤華者已死乃見形與之言語如平生又祭廟聞廟神答其拜牀似動有聲譚乃歎曰世間乃定無所不有五經雖不載不可便以意斷也真誥云華

僑者晉陵冠族世事俗禱初頗通鬼神常夢同共饗醪每爾輒靜寐不覺醒則醉吐狼籍俗神恒使其舉才用人前後十數若有稽違便坐之為譴僑忿患遂入道於鬼事得息漸漸仙真來游始亦止是夢積年乃夜半形見裴清靈周紫陽至皆使通傳音意於長史而僑性輕疎多漏說冥旨被責仍以楊君代之僑後遷江城縣令家因居焉今江乘諸華皆其苗裔也二華事頗相類又皆涉仙道因筆於此以俟其後入補譜傳之遺

真誥所載楊羲仙階甚重第運題象之章仙女愕綠

華以升平三年十一月十日夜降羊樞蒙贈詩一篇  
并致火浣布手巾一枚金玉條脫各一枚又興寧三  
年乙丑六月二十五日夜紫微王夫人同金臺李夫  
人少女九華真妃降楊室備言真妃服飾之美年齡  
之少又顏容瑩朗鮮潔如玉五香馥芬以一枚乾棗  
食之所謂得敘姻緣懽願於冥通之會依然松蘿之  
纏及臨別小留在後執手下牀恐非宜也惟相贈二  
詩有相攜雙清內上真道不邪又上道誠不邪塵滓  
非所聞度幾不涉魔境耳至六月二十六日口授書  
亦然而加詳僑以泄漏被斥楊君筆之書乃不罪何

也

第二卷有九華安妃此即林靈素所稱明節劉后者  
也

第四卷保命君答許長史云郝回父無辜慘人數百  
口取其財寶殃考深重惋主恒訟訴天曹法應滅門  
但回脩德既重一身免脫子孫豈得全耶回當保其  
天年但仙道之事去之乂矣回方回也父即鑒也陶  
隱居注鑒清儉有志行不應殺掠如此或是初渡江  
時攝併所致不爾則在涼時殺賊有濫也又小君說  
郝鑒今在三官為劉季姜所訟爭三德事却後紫微



夫人又言鄰回若得道者乃當為太清監隱居又注  
鑒年七十餘終即保為禮官職頗矛盾不可曉

又真誥內保命君云左理中監大府長史韓崇字長  
季吳郡毗陵人累遷汝南太守年七十四得隱解法  
入大霍山注晉陵上有韓墓右理中監王瑋玄是楚  
莊王時侍郎受術於王君注若是春秋時楚莊王者  
疑侍郎之官不似古職漢楚王無莊謚後任者劉翊  
字子翔潁川人舉計掾到長安拜郎中遷陳留太守  
行達陽平遇馬皇先生將入桐栢山中注漢書字子  
相潁陰人為郡功曹拜議郎出為陳留太守出關殺

車牛以濟知故不繼遂俱餓死定錄府執法郎淳于  
斟字叔顯會稽上虞人作徐州縣令大將軍辟掾後  
入烏目山中注叅同契淳于叔通舉方士為洛陽市  
長太極仙侯張奉字公先河內人太傅袁隗妻以女  
後棄世入剡山得道領九宮尚書注魏書張範字公  
儀河內脩武人太尉袁隗妻以女不受仕為議郎建  
安十七年卒弟承字公先累拜趙郡太守隨魏武西  
征病亡王脩傳往來南陽止張奉舍然此張奉河內  
人明晨侍郎張桃枝司隸校尉朱寓季陵母與陳蕃  
同誅注寓故在八俊列同李膺杜密下獄死不與陳

蕃同誅中君言童初府上帥劉寬文饒為司徒太尉  
年七十三遇青谷先生授杖解法注為太尉中平二  
年卒年六十三又真誥許長史七世祖肇字子訶注  
檢譜七世祖名敬字鴻為光祿勳拜司徒應劭漢官  
儀載崔瑗表許敬年且百歲猶居相位其不能無矛  
盾如此又注謂蜀司徒許靖字文休是長史六世族  
祖徵士邵字子將是五世族祖尤誤按文休於子將  
為從兄俱知名並有人倫之稱而私情不協子將為  
郡功曹排擯不得齒敘以馬磨自給今注似靖與劭  
父子何也其漏誤如此黃長睿乃欲引以證黃庭之

誤耶

古稱生為名臣歿為名神其最炳著者北土則城陽  
景王江左項王神於吳興尤烈及江神伍相員按景  
王即朱虛侯劉章平呂氏之亂封王之二年而卒僅  
可二十四五歲項王據吳興太守正衙為祠太守避  
不敢居每履任則殺車牛以祭之不然立死其幸而  
不死者一二人耳而臨汝侯蕭猷至每享神輒對飲  
盡歡竟日比散神像亦色赭又嘗為猷破大盜見猷  
傳員素車白馬驅江潮神亦著唐狄仁傑采訪江南  
盡毀諸淫祀獨留員及秦伯季札祠而移檄項王喻

以大義乃毀其吳興廟自是絕盼饗而城陽祠久不著伍相靈亦漸消歇豈鬼神之氣不復能持久耶關壯繆侯羽初不聞為神後至隋世於荊州玉泉寺見靈跡尚未表章至宋崇寧時以破蚩尤復鹽池見靈遂封為崇寧真君今香火徧天下兒童婦女皆知崇重則又久而始見神不可曉也

伍員死而為江海之神見古本吳越春秋越絕書錄異記吳會分地記水經注史記正義其事甚詳獨怪其神今不著響以為英靈漸消散耳偶覽湘中記子胥廟古銅器宋元嘉中沙門釋亮啓此廟器鑄丈六

金像夜夢神語云今捨此器相與發願免此神形豈果由此得解脫耶抑釋亮故為此說耶要之佛語謂六道皆有罪業斯言當不誣耳

狄梁公盡毀諸淫祠獨留泰伯季札伍員而於吳興項王廟馳檄以毀之其盼饗遂歇今據其文曰鴻名不可以謬假神器不可以力爭應天者膺樂推之名背時者非見幾之主自祖龍御宇橫噬諸侯任趙高以當軸棄蒙恬而齒劔沙丘作禍於前望夷覆滅於後七廟墮圯萬姓屠原鳥思靜於飛塵魚豈安於沸水赫矣皇漢受命玄穹膺赤帝之貞筮當四靈之缺

運俯張地紐彰鳳紀之祥仰緝天綱礎龍興之兆而  
君潛游澤國嘯聚水鄉矜扛鼎之雄逞拔山之力莫  
測天符之所會不知曆數之有歸遂奮關中之翼竟  
垂垓下之翅蓋實由於人事焉有屬於天亡雖驅百  
萬之兵終棄八千之子以為殷監豈不惜哉固當匿  
魄東峰收魂北極豈合虛承廟食廣費牲牢仁傑受  
命方隅循革攸寄今遣焚燎祠宇削平臺室使蕙幃  
銷盡羽帳隨煙君宜速遷勿為人患檄到如律令然  
吳興項王碑陰有顏魯公題云西楚霸王當秦之末  
與叔梁避仇吳中蓋今之湖州也雖滅秦而宰制天  
下其魂魄猶思樂茲邦至今廟食不絕其神靈事迹  
具竟陵子陸羽所載圖經大曆七年真卿蒙刺是州  
十二載姦臣伏法息命進真卿上都刻期首路竟陵  
是諗予以故碑顛趾嘗因仍草莽已而復之真卿乃  
命崇樹以紀之時則仲夏方生明之日觀此題則顏  
公時廟尚在祭祀不絕豈狄公既毀而湖人竟復之  
耶二公俱以忠直方正名兩所見不同如此

今所稱正一嗣教大真人張氏者其始祖天師張道  
陵即張陵也同時張角行天師道持九節杖為符祝  
教病人叩頭思過因以符水飲之陵法略與角同加

思靜室服罪之人一著山上上之天一埋之地一沈  
之水謂之三官病者家出五斗米故號曰五斗米師  
角在中國事露至反族滅漢亦因以亡而陵在蜀漢  
用僻故幸不敗傳至子衡孫魯遂據巴漢垂三十年  
曹操破之始請降封侯萬戶五子皆侯傳國累葉至  
唐宋間復世掌道教繡玉孺傳遂與宣聖之裔相終  
始而寵幸時過之良可笑也

李膺蜀記云張陵避病瘡於丘社中得呪鬼術書為  
是遂解使鬼法入鵠鳴山自稱天師漢熹平末為蟒  
蛇所噙子衡奔走尋屍無所乃假設權方以表靈化  
生糜鶴跡置石崖頂到光和二年遣信告曰正月七  
日天師昇玄都衡為係師衡子魯為嗣師以法惑亂  
天下然則今之所傳張道陵者乃蛇腹之餘食耳李  
膺非元禮漢蓋有兩張衡兩李膺也

宋崇寧時蚩尤神懷鹽池帝勅天師張虛靖召關羽  
勝之鹽池復故封羽為真君今所傳祠廟尚有破蚩  
尤畫壁按黃帝經序云黃帝殺蚩尤其血化為鹵今  
之解池是也則蚩尤之主鹽池其說久矣

今人稱玉皇曰張大帝又曰祠山張大帝酉陽雜俎  
載其事尤可笑云天帝劉翁者惡張翁欲殺之張翁

蓄一白雀恒先期為備劉翁自下觀之張翁盛陳賓主醉其從官策乘龍上天塞北門劉翁徘徊不能上乘其餘龍人間為災張翁患之封之太山及覽殷芸小說晉咸康中周興死而復生天帝召見升殿仰視紫氣鬱鬱面方一尺問左右曰是古張天帝耶答曰上古天帝父已仙去此是近曹明帝耳

太宗嘗夢二神人言南處海濱來輔家國明日禮官言閩中靈濟二真君事遂遣使函香請神像於宮城西南作宮祀之英宗初加封九天金闕明道達德

大仙顯靈普濟清微洞玄冲虛妙感慈惠護國庇民

崇福洪恩真君九天主闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君記文稱二神皆南唐義祖之子一名知證封江王一名知諤封饒王按南唐書江王知證後進封魏王元宗時猶在入宮行家人禮卒年四十三饒王知諤為金陵尹進封梁王博采奇物寶貨充牣嘗以五十萬錢易蜀客鳳頭朱冠紺毛金喙星眼文彩如生人咸異之後遊秣山除地為廣場編虎皮為大幄率僚屬會於下號曰虎帳忽暴風飄帳碎如飛蝶知諤驚遽棄歸數日卒二子事如此耳其神與不吾不得而知

也但生既無功德於民死又無禦災坦患可見之跡而禮崇 聖朝爵亞 上帝不亦負乘之至幸者乎  
○今天下所最崇重者太嶽太和山真武及岱嶽碧霞元君當永樂中建真武廟於太和幾竭 天子之府庫設大璫及藩司守之而二廟歲入香銀亦以萬計每至春時中國焚香者傾動郡邑真武號百字有混元六天傳法教主脩真悟道濟度群迷普為衆生消除災障八十二化三界祖師大慈大悲救苦救難三元都總管九天游奕使左天罡北極右垣大將軍鎮天助順真武靈應福德衍慶仁慈正烈協運真君治世福神玉虛師相玄天上帝金闕化身蕩魔天尊敘其得道之由以為在此山然大略掇拾佛氏脩行之跡而已真武蓋北方玄武之神以避宋宣祖諱故名真武龜蛇亦取北方像耳而加以大將軍號又碧霞元君者其說起於華山上有小石池水冬夏不涸因名之曰玉女洗頭盆附會者因謂玉女為王母第三女又轉說而為太山至使嶽宗之神降若侍衛者俱可笑也且以西嶽之神而據東嶽位以北方之神而據西南方位其事若符契語所謂有其人則有其神信哉

按神異經云西方大荒中有聖人焉其丈其腹圍九尺踐龜蛇戴朱鳥然則後人於大石中得龜蛇像歸之真武者疑即此徵也真武以此聖人擬之亦可若謂神農時有淨樂國王皇后之說尤不經可笑

今文昌祠所祀梓潼帝君即張惡子神也其所著化書余為紀其大略張氏出黃帝之子名揮始造弦張羅網世掌其職因以張為姓顯於吳神初為山陰張氏子有孝行傳法錄醫藥救人為周醫氏事周公以壽終將造西方尋上聖之道至洞庭而栖止為君山主久之復投胎於譚臣張無忌妻黃氏為遺腹子詩

所謂孝友張仲事宣王為卿士幽王初以直諫賜醜死魂游於雪山為雪山神治蜀有功凡武都男化婦秦誑蜀以金牛五丁拔蛇而壓死事皆與聞之蛇即所化也尋為漢帝子曰趙王如意為呂后所殺魂散蕩無所歸孝宣世至邛池其令曰呂牟呂后之後身也邑人多呂氏母戚夫人亦生於戚嫁張翁老無子相與割臂出血瀝野田石曰中覆而祝曰我無子倘得一動物生焉亦遺體也自是感而托生化為蛇金色逾年頂生角腹生足能自變化成雲雨見羊豕犬馬輒食之呂令有馬潔而駿亦呂產之後身也拘而



金州山人稿卷之百七十四  
世經堂刻  
啖之令知其故繫張翁夫婦於獄欲殺之乃吸雲霧  
化風雷白日晝暝揚海水為雨灌注城邑周四十里  
皆陷載父母而出今所謂陷河也以所殺多譴為邛  
池龍受熱沙小蟲之苦遇釋迦文佛飯誠脫罪復生  
於趙國張禹名勲為清河令有循吏聲告歸卒復生  
於世為張孝仲時順帝之永和間也西晉末復生於  
越雋之間張氏時夢治水府尋為吏所請跨白驢而  
去到一山下有古湫入石穴悟七十三化遂改形入  
咸陽見姚萇按王氏見聞所載陷河神張惡子事略  
類唯云雋州雋縣而不言邛池耳又云姚萇遊蜀至

梓潼嶺神謂之曰君早還秦秦無主在共君子請其  
氏曰張惡子也後據秦即其地立張相公廟僖宗幸  
蜀神出迎帝解佩劍賜之還日施遺珍寶無數王中  
令鐸有詩云夜雨龍拋三尺匣春雲鳳入九重城窮  
神秘苑亦載此事而略止稱云是一老姥以令殺姥  
故陷為湖在益州邛都縣其陷地土人謂之邛河又  
曰邛池姥故宅基獨不改漁人採捕恒止宿又言此  
水清其底猶見城郭樓檻宛然又北夢瑣言梓潼張  
蠶子神乃五丁拔蛇之所也或云雋州張生所養蛇  
其神甚靈偽蜀王建太子元膺聰明博達騎射絕倫

牙齒常露蛇眼黑色兇惡鄙褻通夜不寐竟以作逆  
誅誅之夕梓潼廟神亟為神靈子所責言我在川今  
始方歸何以致廟宇荒穢如是耶審爾則釋氏所謂  
神道為業障殆非虛矣水經又載武強縣人行途見  
一小蛇疑其靈養之名曰檐生長而噬人里中患之  
捕繫獄檐生負而奔一邑長吏皆為魚

黃帝元妃螺祖死于道帝祭之以為祖神今次妃嫫  
母暨護于道以時祭之因以嫫母為方相氏見軒轅

本紀

顓頊氏三子亡而為疫鬼一居江水為產鬼一居若

水為魍魎鬼一居宮室區隅善驚人為小鬼

武當山一名謝羅山蓋以謝允仙跡也酈道元水經  
注引荊州圖副記晉咸和中歷陽謝允為羅令棄官  
隱遁茲山得道仙去故名又甄異傳云歷陽謝允字  
道通年十五為蘇峻賊兵王免所掠賣東陽蔣鳳家  
嘗飼虎檻中狗入則一虎攀木仰視允謂虎曰此檻  
木本為汝施而我幾死其中汝不殺我我放汝乃開  
檻出虎賊平之後詣縣自理烏程令張球不為申別  
桎梏考楚允夢見一人謂曰此中易入難出汝有慈  
心當拯拯醒覩一少年通身黃衣忽進獄與允言語

獄吏知是異人不敢枉蒙理還都西上武當山太尉  
庾公聞而愍之給其糧資隨到襄陽見道士說吾師  
戴先生非世間人也云若有西上欲見我者可將來  
君是謝允否允因隨去入武當山齋戒三日進見先  
生乃是昔日所夢人也問允復見黃童否因賜以神  
藥三丸服之便不饑渴無所思欲戴先生亦無常處  
時有祥雲紫氣蔭其上或聞芳香之氣徹於山谷按  
戴先生即漢武帝所遣殿上將軍戴氈生也甄異傳  
所載詳備如此而不言嘗作羅令不可曉又續搜神  
記云謝允從武當山還在桓宣武坐言及左元放為  
曹公致鱸魚允便云此可得耳求大甕盛水朱書符  
投水中俄有二鯉鼓鬣而味然則允得道後又嘗出  
山矣今人登武當但知有真武而不知有謝允故備  
載之

野史載卞忠貞墓見發屍如生鬚髮蔚然指爪達於  
背至顏文忠尤異二君豈所謂兵解者耶文忠素好  
道術得神丹歿後能寄書及黃金於其家爾若忠  
貞則傳謂其疽發背方愈與二子苦戰被殺且生平  
剛峭豈知所謂道術者至京房已僂而羲熙中兵發  
其墓屍尚完具人以為僵屍肉雖瘞亦分割之房以

易道明能前知生不能保其身而歿又不能保其屍  
大可笑也

陶隱居弘景有賈高所撰傳序額為詳覈與姚思廉  
梁書李延壽南史各有不同因互記之傳云長七尺  
二寸疎眉長額右肩有紫誌如錢右股有數十黑子  
闕于如斗形梁書云長七尺四寸朗目疎眉細形長  
耳南史則云長七尺七寸朗目疎眉細形長額聳耳  
耳中各有十餘毛出外二寸許黑子同賈傳州府辟  
召不起與劉秉子侯善乘後與侯下建康獄死躬自  
收殮因紀僧真見齊高帝於新亭大相推愛俾居帳

內為其子侍讀高帝即位為豫章侍郎不受隨安成  
王出鎮石頭世祖初拜振武將軍宜都王侍讀總知  
記室叅軍尋除左衛殿中將軍時論稱屈謁東陽孫  
遊嶽受道家符圖明年遊茅山杜京產於太平山尋  
沙門鍾義山於罪山謁朱僧標於天台山乃還都由  
振武除奉朝請表辭官所善宜都王鏗以表鏡贈別  
給在山吏役二傳直云為諸王侍讀除奉朝請及李  
傳云脫朝服挂神武門上表辭祿詔許之賜以束帛  
敕所在月給茯苓白蜜二升梁書不云賜茯苓白蜜  
賈傳則云欲抱朝服挂神武門襲鹿巾與王晏別語

此事以為不宜故表辭而已又梁書南史俱云止於  
句容之句曲山及永元初築三層樓弘景處其上第  
子居其中賓客至其下與物遂絕皆與賈傳同而賈  
傳所云夜半出山上東陽仍停長山進赤巖宿瞿溪  
石室入楠溪青嶂山過牛岑出海口復自海道還永  
嘉乃還華陽上二傳皆不載又解真碑言隱居遷化  
年八十一姚書及李傳俱云八十五賈傳云鼎事累  
營不諧乃非都無彷彿每開鼎皆獲輕華霏霏或光  
明廉稜如霜雪無雜色十八年所獲嚴鐔光華過於  
前者皆似五六出花劍鋒鴈齒姚李二傳皆無之其  
所載簡文臨南徐欽其風素召至後堂以葛巾進與  
談論數日而去天監中獻丹於武帝中大通初又獻  
二刀一名善勝一名成勝並為佳寶賈傳不之及也  
李傳又云無疾而卒賈傳乃云病八日亡亡時恬然  
乃去其事跡不同如此

隱居弟子桓法闔字彥舒高道傳云不知何許人事  
隱居於茅山華陽館十餘年一日有二青童一白鶴  
自空而下集於庭隱居欣然而接謂已當之青童曰  
太上所命者桓先生也隱居默計門人皆無姓桓者  
索之唯得執役桓法闔焉詰其所致則曰常脩默朝

金州山人集卷之二十四  
世然堂  
之道親朝太帝已九年矣故有今日之召將昇舉隱  
君欲師之鬻執謙固辭隱居不獲請且謂曰某脩教  
行道勤亦至矣尚淹於世得非有過致然耶幸為我  
訪之聞於是駕白鶴而昇登後三日密降而言先生  
陰功固已著矣然所脩本草以毒蟲水蛭之類為藥  
功雖及人而反害物命以此更一紀當解形而去授  
蓬萊都水監乃道士賈善翔撰進列仙傳因之成都  
李汝弼以隱居玄門董狐豈有異人居門下而不識  
及得隱居墨跡南平王所造清遠館即弟子桓法閻  
所居邵陵王又有隱居化後法閻猶存無先期上升  
之說而法閻受法高第亦非執役者明矣

漢武帝與奉車子侯登泰山封禪後暴卒奉車者官  
也子侯者小侯也霍去病之子仙傳因誤為車子侯  
曰扶風也漢武帝稍遷其位至侍中一朝仙去其誤  
如此

武夷山志有魏王頭顱骨大如斗按真仙通鑑云昔  
有魏王名子騫在同州立王城對大王石東去十里  
今城址尚在又云有張湛孫綽白石先生男女十二  
人詣此山求道謁魏王為地主時天旱魏王置酒酺  
祭仙祈雨有仙人乘雲鶴而下張湛獻詩一絕云武

夷山下武夷君云云仙人甚喜乃授以道要許居此山至八百年後方換骨歸天至期果爾脫化其骨藏長棺於小藏巖凡十三具按春秋以前諸侯無封魏王者戰國時魏王又不南徙且其時無七言絕詞旨凡鄙其為附會無疑

郭璞詩所謂右拍洪崖肩及洪崖頷下頤者姓張或云黃帝之臣伶倫也又云神農氏師堯時已三千歲漢武帝時衛度世入華山尋其父叔卿叔卿與數人博問為誰則洪崖巢父許由之類是也真誥云洪崖先生今為洞真在青城山其隱跡在豫章西山洪井

在伏龍山北崖左右相傳為煉丹處若宋人畫所謂長七尺五寸戴烏帽衣紅蕉葛衫烏犀帶短拗鞞筇竹杖跨白騾從者五曰橘栗木葛拙負六角扇垂雲笠方木鐙二玄書木如意長生瓢魏惠壺不柱杓者張蘊也自稱洪崖先生或云即其後身蓋詩畫二家之所稱實有兩洪崖不相蒙也

抱朴子載古強事極可笑而廣記諸書不載聊為識之蓋樂大公孫卿蔡誕之所不如也強服草木又頗形容成玄素之法年八十許尚聰明不大羸老時人便謂之仙人或謂之千載翁者揚州慈使君聞而迎

之強魯獵涉書記頗識古事自云已見堯舜禹湯說  
之皆萬萬如實也世云堯眉八采不然也直兩眉頭  
甚豎似八字堯為人長大美鬣髯飲酒一日中二斛  
餘世人因加之曰千鍾實不能我自數見其大醉也  
雖是聖人然年老治事轉不及少壯時及見去四凶  
舉元凱賴用舜耳舜是孤筮小家兒耳然有異才隱  
耕歷山漁雷澤陶海濱時人未有能賞其奇者我見  
其所在以德化民因又有重瞳知其大貴之相常勸  
勉慰勞之火德已終黃精將起誕承歷數非予而誰  
然其父至頑其弟殊惡恒以殺舜為事吾嘗諫諭曰

此兒當興卿門宗四海將受其賜不但卿家不可取  
次也俄而受禪嘗憶吾言之有徵也又云顏母年十  
六七時吾相之當生貴子及生仲尼真異人也長九  
尺六寸其頭似堯其項似臯陶其肩似子產自腰以  
下不及禹三寸雖然貧苦孤微然為兒童便好俎豆  
之事吾知其必當成就及其長大高談驚人遠近從  
之受學者著錄數千人吾喜聽其語但不學不能與  
之覆疏常勸我讀易云此良書也丘竊好之韋編三  
絕鐵鍋三折今乃大悟魯襄公十四年西狩獲麟麟  
死孔子以問吾吾語之言此非善祥也孔子乃愴然



而泣後得惡夢欲見吾時四月中盛熱不能往尋聞  
之病七日而没于今彷彿記其顏色也又談秦始皇  
漢高項羽事凡人聞之皆信其言又強轉昏者廢忘  
事機稽使君曾以一玉卮與強後忽語稽曰昔安期  
先生以此物見遺後病死壽春黃整家卒無他異此  
可發一大笑

